

ज्ञान प्रकाश




कमला रैना


चौगाव त वनपुह




नाग पब्लिशर्स



ज्ञान प्रकाश



कमला रैना
चौगाम त वनपुह



नाग पब्लिशर्स

11A/UA, जवाहर नगर दिल्ली-110007

भारत

© लेखक

(१) ११ ए/यू. ए. जवाहर नगर, दिल्ली-११०००७

(२) जलालपुर मोफी (चुनार-मिर्जापुर) उ० प्र०

प्रथम संस्करण २००१

श्री सुरेन्द्र प्रताप द्वारा नाग प्रकाशक, ११ ए, यू. ए. जवाहर नगर, दिल्ली ११०००७, द्वारा प्रकाशित तथा अक्षरयोजक यूनीक प्रिंट मीडिया, दिल्ली-११०००९ एवं जी. प्रिंट प्रोसेस, ३०८/२, शहजादा बाग, दयाबस्ती, दिल्ली ११००३५ द्वारा मुद्रित ।

साँरिय हख छि लिखारय सन्दि नाव् रछरिथ


किताबि हुन्द नाव : ज्ञान प्रकाश

लिखाँरय : कमला रैना


छपन वरी : २००१

तेदाद : अख सास

कउमथ : अउख हउथ रउपयि







गवड् कथ

अदब् किस मादानस मन्ज छु ज्ञानन हुन्द दुत ति थय्कुन लायख ।
लल धय्द हउन्दि वाख, हब् खोतून हउन्दि व्यादाक, रोप् भवानि त
अउरनिमालि हउन्दि भक्ति भजन, वचन त लीलायि छि अदबुक अख
मोल्याल सरमायि

जिन्दगी हउन्दिन मुखतलफ पहलूहन मन्ज यिथ किन्य अजकल
ज्ञान् मरदन निश् कुनि ति जायि पथ छन् । थिथ किन्य छय अदब
फाँफलावनस त् अथ पोछर त वोथभव दिनस मन्ज ब्रोन्ह ब्रोन्ह पकान ।
अज सपुद काशरिस अदबस बेयि ति अकि सरमायुक बउरचर ! युस
कमला जी ल्यूखमुत छु ।

म्य छि वोमेद जि परन वाल्य करन यि पसन्द । बेयि ज्ञानन यि
अरगि अशुद

जवाहर कोल

चौगांमी

ज्ञान

मोज्य कशीर गुलज़ारन् सब्ज़ज़ारन्, दिवदारन्, आबशारन्, नागन कोलन, नालन त बालन हुन्द वतन आसन् अलाव् छय यि कति कौत्यन बुजरगन, रेशयन्, कलनदरन्, फकीरन्, दरवेशन, रिन्दन, त गोनमातन हन्ज़ ज्यन् जाय

येति छि हज़रत शेखउलआलम, परमानन्द, रेशि मोल, ज्ञानमोत, रोप् भवानी त अउरनि मालि हुन्द माल्युन

सोन गाम चौंगाम ति छुन अथ मामलस मन्ज़ केन्ह पथ् ! अम्युक् डटउक ति छु भागिभोरुत

भाभा नसीब दीन गौजी, ब्याद साउब, दिव् काक सौब त् स्वामी सोन काक जी ह्वि कउत् दाना त मर्द कल्मदर छि सानी गाम्यकि

मर्दन सात्य सात्य छु ज्ञनानव ति अथ मादानस मन्ज़ वारयाह कमाल होवमुत, १९२६ ओस सन् । सानि गांम “चौंगाम्” जायि श्रीमान आफताब काक राजदान संधि घरि अख कूर ! माजि ओसुख गंगमाल नाव । बेयन शुरय् सात्य आयि यिति रछन् । मगर लोकचार प्यठय आस् अमिस अजीब हरफज़ । दपान शुरय् सात्य गिन्दान गिन्दान आस यि पननीय साज़स मिज़राब दिवान आसान ! गैउडउ आस पूजा करान गरा पाठ त गरा समाद लागान ! घरय्क माहोल ति ओसुख रुत ! स्वामी सोन् काक जी यिम साद आस्य यिहन्दि घरि रुजियंथ । यिहन्दि सय सोहबतस

मन्त्र आंस ज्याद् वोथान बेहान । यिहन्त्र कोम आस गन्धय पाठय
यिमनय करनी आसान

गाटल्यव छु वोनमतु माहोलस छु असर । माहोलन त्रोव असर त
यि लउज सुली पननिस ज़ीरस त बमस तार शेरनि ! अख वख वोत
ओतथ ज़ि यमव हयेत लोकटी पानंउ स्वामी आत्मा राम जी यिम कशीर्
हउन्दि डैकि टयौक मानन् आस्य यिवान, द्रोह द्रोह गव गुजरान ।
मन्त्रल्युक मा रोजहे मन्त्रलुक । यि लउज्य भाल्यग सपदनि ! तिहुन्द
मोल मोज लोग यिहन्दि खांतर रुत लडक त रुत घर छान्दनि मगर यिमव
कौर खानदर करनस इन्कार । महात्मा सोन् काक जीनि वनन् मज़बूर करन्
त स्वामी गूव्यन्द कोल जियस मुतलक बोजन् त यिमन सात्य यिहुन्द
दर्शन मजबूरी त ज़रूरी करन् अलाव् वनपुहस मन्त्र (स्वामी जियिन्य)
ज्यन जायि आसन मोख् कौर यिमी कशालन आन्कार । त आखर सपुद
यिमन वनपुह श्रीबलजी नाथ बटस सात्य खानदर ! तिम आस्य पठवारय
बूज़मुत छुम ज़ि यिहन्दि किरदारुक, वोथनुक, बेहनुक, वरतावुक त
व्यकारुक प्यव बठ साबनिस ज़ातस प्यठ सख असर त तिमौअ कउरख
न ज़ान्ह ति कुनि कऊसमिच रुकावट

वाद् गौ बराबर । यिम समख्य स्वामी गोविन्द कोल जियस त
कउरहख बावथ त हावहख वथ

असली छु अजल मकबूल । म्य छु यिमन मन्त्र ज़गत अम्भायि
हुन्द रुप लबन् यिवान । यसुन्द नाव छुम वाल्यन्जि खनिथ ज़हरया लूखुम
न तवय नाव छुख "कमला जी" भगवान थांविन असि यिहुन्द साय अबद
मोजूद ! आमीन

"जवाहर कोल चौगांमी"

विषयानुक्रमणिका

क्रम सं०	भजन	पृष्ठ सं०
१.	वान्सा गयम घर करान म्य	१
२.	वुनि वुनि पानो छुख नो जानान	३
३.	हर् हर् त्राविथ घर घर कोरुम	६
४.	वोन दिथ पननिस पानस	८
५.	वुछान वुछान वख गव नीरिथ	११
६.	हाय वन् कस व्यसिये कोता काल गोम	१३
७.	म्य वुछ पानय सू हनि हने	१५
८.	शयामस म्य वोन शयामन	१७
९.	कर जुवह व्यन्नार क्या छु लारुनये	१९
१०.	कूत काला वोत म्य प्रारान	२१
११.	मस चाउवथस हा मसतान्	२३
१२.	खस वनि हिये सग्ह कनि नार प्योम	२५
१३.	त्वकचार सूरुम मल तुल्य तुली	२७
१४.	त्वकटय आसिथ आयम वृदीय	२९

१५.	अस्य आयि शरन चान्यन गोनन	३१
१६.	कमि वन् की पोश अन्	३३
१७.	चु छुख ज्योती ब परवानय	३६
१८.	असार समसार सारनय	३८
१९.	कोस् पूजा कुसू पाठ पर्	४०
२०.	ज्यन काल प्यठ बार गोम गोबुय	४२
२१.	नाव चानि छस ब तोशन	४३
२२.	कम पोश फोलिमो पोशि थउरउनि	४५
२३.	येलि यियि सख्ती भक्ति	४७
२४.	कम रंग वुछी म्य यथ समसारस	४९
२५.	यिवान छस बो अबुर बन्य बन्य	५०
२६.	म्य वुछ सु पान्य पानय	५२
२७.	सतग्वर म्य चोन तमा	५५
२८.	ओश वोधुम ददरायि	५७
२९.	माया छाया काया चमनय	५९
३०.	शम् दम् शान्ती शबनम मोख्त ज़रह	६१
३१.	व्यचारुक गाश थावुम निर्मल	६३
३२.	मनकुय थज़र वनुन पेयि	६६
३३.	मुशकिल चालुन प्योम	६८
३४.	कलि कोरमस नाध लोत लोतये	७१

३५.	पानय आम सु जानानय	७४
३६.	हाय व्येस्य प्रारन छा खा	७६
३७.	लाल् ललनाविथ खोनि खोनि	७८
३८.	चख बुय त्राव	८०
३९.	क्षन क्षन व्यन्ती वन्	८२
४०.	म्य छम गाउमच मेचि साउत्य मेच	८४
४१.	म्य कोरमुत छुम च्य अरपन पान	८६
४२.	कमि वन् अन् ब्यल मादलय	८९
४३.	ओम नमो भगवती वासुदेवाये	९१
४४.	बूजमुत पथ कालि ओसुम	९४
४५.	च योदवय करख अनुग्रह जायि जाये	९७
४६.	पोशव कनि वोथ कनि बारानय	१००
४७.	मय मान औसुय चय मान नुथम	१०२
४८.	क्या सना अद् बोजिना दय	१०४
४९.	म्य कउरमय राउत्य रातस वील् जाउरी हा दयो	१०६
५०.	म्य कउरमय लोलसय गोन्दी	१०७
५१.	म्य छमना लोल् चानि बोछि	११०
५२.	यिम आयि शमन शमन	१११
५३.	स्योदुय आयसय स्योदुय थवतम	११३
५४.	म्य छुम आमुत चोनुय लोल	११५

५५. अस् ना व्यसिये रस रस मस चोम	११७
५६. मलया कोफूर बेयि ज्योति चंदन	११९
५७. ज्योन मरुन मशयराविथ कोरम्य घर घर	१२२
५८. सतग्वर वुछ म्य चलवुनये	१२५
५९. ख्यन् ख्यन् व्यन् तुलसी	१२८
६०. गव कृष्ण मेंय चूरे चूरे	१३०
६१. यलि गलि मुह अन्दंकार	१३३
६२. कथ कउर कउर कथि हेर फेर गोम	१३६
६३. छानडान सुय बो हनि हनि	१३७
६४. हतो पानो कति छुख आमुत	१४२
६५. मचर आम लाज्यनस पामन	१४३
६६. घर घर करान हर नाव मश्य गोम	१४५
६७. हचर लद छस मचर आम जायि जाये	१४७
६८. कस वनय बो तस सिवा न ऐतबार में	१४९
६९. सू कर यियी सोन वउन्य सालय	१५१
७०. ओसुख च्य तय आसख च्य ये	१५३
७१. पोज अपुज कउय्य कउरय धर्मस गठ गोम	१५५
७२. कयाजि हंरान गोख वुछिथ	१५७
७३. गरिह गरिह करय ब चामर	१५९
७४. लोल आमो बुक् बुक् बार बार च्योन	१६२

७५.	कपउरय कपउरय फीरिथ आये	१६४
७६.	सुई छोन्दुम म्य हनि हनि	१६६
७७.	मारह कउरनस मारह मती	१६९
७८.	गुल वुछिथ बुलबुल छि तोशन	१७१
७९.	ब् आंसस शाह शहानय	१७३
८०.	खोश रोज व्यसिये गुलजार हय फल्यमित	१७४
८१.	यस निश पानस मस पेयि पानय	१७६
८२.	सर्व मंगल च दया कर	१७८
८३.	ब लागय पोश चांरय चारी	१८०
८४.	माता बोजतम च म्य वील् जॉरी	१८२
८५.	करम छोप् दम म्य मा जोन भ्रम छु समसार	१८४
८६.	बोजि व्यसियो वारह ही बोज	१८६
८७.	छेन्य पानय दित म्य व्छन्य	१८८
८८.	मैं मुसाफिर हूँ बिखारी	१९०
८९.	सुनो बेटा यह दुनिया जो सब कुछ	१९२
९०.	हर ज़र ज़र में राम बसा है ।	१९४
९१.	अपने दिल की बाते कहना नहीं किसी को	१९७
९२.	डाल्य सूज़ कम्यतामं	१९९
९३.	ब लागय पूजि मादल हीय	२०१
९४.	सतग्वर नेह नस् आयम रातस	२०३

९५. नाद हा लायय ही दयालो नाद बोझ	२०५
९६. नाहकय योर प्योम युन त गछनये	२०६
९७. शिव शक्तिदात छुख बोड कृपालय	२०८
९८. दप्याम दयस दिम् लोल नादय	२१०
९९. दपान छस पेयि ना रहम तस संगदिलस	२१२
१००. कोतसना गोम सुव्यसिये	२१४
१०१. द्रोख त द्रोद तेलि बलि	२१६
१०२. चरन कमलन दोन ब लागय	२१९
१०३. वदना मदनो रुदुम न वोनये	२२१
१०४. अपजुय समसार करनस बंदउय	२२३
१०५. कथ हालस मंज गयम वंउस	२२५
१०६. दारनाये धयान धारान	२२७

१.

वाँन्सा गयम घरय करान
 यति प्योम परय रूदुम न केन्ह
 सोरिय सोरिय सरह गोम पननुय घरय
 यति प्योम परय रूदुम न केन्ह ॥

वान्सा गयम फेरान् फेरान
 सोरान जुव तय लोभुम क्या
 कोता काल गोम वुछान यिये
 यति कुस दिये त हय्ये कस ॥

न मंग् कंसी तय न कांन्ह दिये
 नाहकय बरह गोम हिये पान
 नय कान्ह ज्ञान्यम नय कान्ह ज्ञानन
 यिय छम वनन पनुन पान ॥

कथ प्यठ पानो छुख यीर् गोमुत
 सीर् कथ जानी पननुय पान
 वुनि छुय वख तय मतउ मशरावतो
 गोड प्रज्ञनावतो पननुय पान ॥

अज्ञ ताम ज्ञान्ह मा प्योख प्रचीय
 सचीय करान लूसुय द्वोह
 कव छुख फेरान कोहन त बालन
 फेरनं मन्ज़ ना नेरान केन्ह ॥

आमुत कुनुय तय नेरख कुनुय
 वनतो च्य कम्य वोनुय क्या

वनुन क्या छुय चे कुसू बोझी
यति नो ज्ञानी ज्य पनुन कांन्ह ॥

यति छुख आमुत न्न न तति यादय
बोजि कुस लोल फरयादय चोन
आसंस बुय तय आसय बुये
च्यये वनतम दूर कव गोख ॥

ज्य छुख तति तय ज्य हा यते
म्य वति वति दितमय वन्य
रिनदन आसान जिन्दय मरनुय
जिन्दय सरखय मरख न ज्ञान्ह ॥

सत सागरस छुय अपोर तरनुय
यति गछि सरनुय पननुय पान
क्या कर् क्या कर् ओसुय करनुय
यति कम्य बोरनख ज़ालस मन्ज़ ॥

दम् दम् कमला च्यय कुन शरनय
परनउय प्येमन्न दरनय ध्यान
मान तय अपमान यति गछि हरनुय
स्वरनुय दय छुय मरनुय न ज्ञान्ह ॥

२.

वुनि वुनि पानो छुख नो ज्ञानान
 पननुय पान प्रज्ञनावतो च्यय
 बुय बुय करिथ च यथ वान्से
 यति नो कान्से बकारय कान्हं ॥

बोज़खय पैजिई येति लोत लोतुय
 सोति सोति स्वरजे ईश्वर नाव
 यिन भ्रम गछीय यति सोरय म्योनय
 सोरय च्यय तय बुय नो केन्ह ॥

पानो यति नो कान्ह कान्सि हुन्दुय
 नाहकय छयोनुय पननुय पान
 यति कुस दियि तय यति कस दिनुय
 यति नेरि छोनुय कुनुय पान ॥

कम कम जंग लग्य म्य पननिस पानस
 द्रायस जंगि मेंदानस बो
 सायि करतम च भगवान पानस
 लय कर पननिस ध्यानस मन्ज़ ॥

आंसस बुय तय आसय बुये
 सुये छानडान दौह तय रात
 छानडान छानडान लोसम लल्ये
 सुये बुये केन्ह नत क्या ॥

वन् वन् फीरिथ वन्य दित्यमये
 कुनि मा नेरय्य तम्यसुन्द पय

कथ गोय चे अख तय ज़िये
नय छुय सुय तय न छुंस बुये ॥

कथ प्यठ गोय ज़्य घर घरय
परयं सारिनय घर न कांन्ह
घर् घर करान कात्या मूदीय
नत् कम रूदी घरनय मन्ज़ ॥

आखर सारिनय यति घर करनुय
घर कउरि कउरि छुय पर् सुन्द माल
थर फिर फिरी कुस दोह छुय बरनुय
स्वरनुय नारायण सुन्द नाव ॥

रोजुन कस तय रोज़ी कूसू
यति नो हय्कान रूजिथ काँह
यिय बुज़िथ छय म्य शरमन्दगी
ज़्य ओसुख तय आसख ज़्य ॥

कम्य संदि धर्मय अहम गोलुम
फोलुम बाग तय गोल अहंमभाव
आज़ार व्यज़ार दम् दम् कउरज़िहे
रुमह रुमह पउरजिहे सूहम सू ॥

कति बो आयस कमनू निशे
कम्य हमेशे बोर म्य लोल
यिहंज़ ब आसस तिम ना कुने
म्य हनि हने हुतमय वोन ॥

तीर्थ यात्रायन गयस बुये
 वुछहान कति छु रोज्ञान सू
 तति नय सुय तय नय कुनि बुये
 वनतम सुये कति आसान ॥

कन दिथ कमला कथताम नये
 यति गूव्यन्द गू परान आस्य
 तति गूव्यन्द गू परान छिये
 त्राविथ सुये बुय न केन्ह ॥

३.

हर् हर् त्रांविथ घर् घर् कोरुम
 वन् कस मन्दियन फरिम चूर
 बेयि सन्दि दोपि हर् हर् त्रोवुम
 प्रोवुम क्या सना फरिम चूर ॥

वान्सा वाचिम म्य तस प्रारान
 हारान आंसस अशि कनि खून
 जून ज़न लज़िम अरेन अछन
 त्युथ युथ प्यवान ज़खमन नून ॥

यि न राय आसम ती गव म्यये
 बेकस पानस ह्य्वनम् रेह
 हर मा वसि अमि कयामतय
 म्य तय च्यय क्या गव भउण ॥

क्या वन् क्या गोम नोजुक पानस
 यति बो आसस तति नो कांह
 यति त तति वुछुम सुये
 सुये सुये बुय न कांह ॥

नज़रा कउरमय सारसीय जहानस
 पानस पानस सारी छिय
 तिम क्या ख्यन दिन बेयि बेगानस
 यिम गय वानस कुलुफ दिथ ॥

आयस कति तय गछुन म्य कोतू
 कमयऊँ कउरनम यिम रंग म्य

रंगन मंज बो रंगनय आयस
बंग् चन् रुसतुय लजिमं म्य ॥

वनय कस कम्य म्य कोरनम छलय
दलय द्रायस बोज्यम कुस
न वन् काँसि तय न छम कलय
बलय चाने अनुग्रह स्यीत ॥

अज ताम कान्सि हन्ज ना म्य आशी
आश छम चानी करखय पछ
यति योर थविज्यम पननी आशी
गाशी अन्यज्यम दोन आलमन ॥

न छुम भभ तय नय मोजी
नय छुम बोय तय नय छुम बन्द
राजदान कमलायि छम चान्य आशी
ज्य अभिनाशी थविज्यम याद ॥

४.

वोन दिथ पननिस पानस
 बेयि वुछ दानस दानस
 मल तुल आइन् खानस
 नोन छुय सुय तय बुय न केन्ह ॥

गाहे गाह म्य पानसीय
 गाहे वुछुम सुय त बुय
 गाहे सारसीय मंज सुय
 सोरुय सुय तय बुय न केन्ह ॥

राम पोरुम राम सोरुम
 राम कोरुम पंनुनय पान
 राम परान जगत वुछुम
 भगत वुछिम बुय न केन्ह ॥

पाद लूसिम छारान छारान
 प्रारान प्रारान दोह तय रात
 ओशे कनि खून छस हारान
 नारान सुय तय बुय न केन्ह ॥

क्या वन् वटन् कस क्या म्य गुदरयोम
 रंग रंगय चालुन प्योम
 नख बोर वालुन प्योम
 चालन सुय तय बुय न केन्ह ॥

यीय वुछुम तीय गोम
 दीश न्यबर नेरुन प्योम
 अन्द शहरन वोन दिचोम
 नोन सुय तय बुय न केन्ह ॥

वनहा हाल पनुन वंन् कस
 बोज़नस लायक छुन् काँह
 बोज़खय पोज़य दमय कउरज़िहे
 सोरजिहे सुय तय बुय न केन्ह ॥

यस यि बने सु तिय वने
 मउनन्न दुये गय दूर
 सूर ज़न तस मलिथ तने
 वने सुय तय बुय न केन्ह ॥

अज़ताम ज़ाँह मा पेयस प्रचउय
 शचय करान सूरम वान्स
 अवल आखर वुछुख म्य च्यय
 सोरय च्यय तय बुय न केन्ह ॥

वुछान वुछान वख गव नीरिथ
 पख ब्रोन्ठ कुन बदलयोमुत दुनिया
 गोस् कस कम्य सुन्द कुस कस वाति क्या
 सीत-सीत सुय तय बुय न केन्ह ॥

थकिथ छेनिथ प्येयस वान्से
 कान्से हय्कुम न वनिथ केन्ह
 यी आम बनिथ तीय गोम सनिथ
 नउनिथ सुय तय बुय न केन्ह ॥

कउरि कउरि सोरुय रूदम करनय
 मुचरन् बरनन्य आयम तउरय
 थयर लजिम वुछान वुछान
 वुछुम सुय तय बुय न केन्ह ॥

कति ताम आमुत राज्ञ हंसा अख
 येति प्योमुत वारानस मंज
 वुछिथ हौरत हारतस प्योमुत
 वुछुम सुय तय वुय न केन्ह ॥

क्या कर् क्या कर् कोरुन वान्से
 कान्सि हुन्दुय छुय न काँह
 सोयर त्राविथ सुय पानउ सोरयजे
 पउरजये सुय तय बुय न केन्ह ॥

यस यि बने सु तीय वने
 सनन् रुस वनि न काँह
 कमला पननिस पानस सने
 गरि गरि वने बुय न केन्ह ॥

५.

वुछान वुछान वख गव नीरिथ
 पख ब्रोन्ठ कुन वुछ चेर मा गव
 फेरान फेरान द्वोह गव लूसिथ
 पख ब्रोन्ठ कुन वुछ चेर मा गव ॥

आयस कति तय त गछुन म्य कोतू
 पायस प्येयस रुदुम न हय्स
 पकान पकान वख गव नीरिथ
 पख ब्रोन्ठ कुन वुछ चेर मा गव ॥

यी ओस कर्मस तीय आव बुथे
 नाहक्य हउन्द्रान मन छुय ज्ञे
 कथ प्यठ लोगुय वुय तय वाय
 पख ब्रोन्ठ कुन वुछ चेर मा गव ॥

पजिस त अपजिस हिसाब लोगुय
 बार छुय गोबुय हय्कखय तुल
 कथ प्यठ जुव् गोय मन गाँगले
 पख ब्रोन्ठ कुन वुछ चेर मा गव ॥

यीय छुय कोरमुत तीय छुय बूथे
 नत् छा नाहक् लगान हाछ
 यीय छुय कोरमुत ती छख भूगान
 पख ब्रोन्ठ कुन वुछ चेर मा गव ॥

कुनुय आसिथ कोताह ज्येठयोख
 कुन्यसय च पूशुख न ज़ाँह

बेयि सुन्द दोप मा व्यपुय
 पख ब्रोन्ठ कुन वुछ चेर मा गव ॥

यीय ओस लीखित कर्म लानिस
 तीय ना कैसी वोनुम जाँह
 सोरुय बार खोरुहमं नख बारय
 पख ब्रोन्ठ कुन वुछ चेर मा गव ॥

ज्ञान दुनिया तावनुन बाजार
 नत् कस अकिस प्यठ एतबार
 सर गव कमलायि सोरुय संसार
 पख ब्रोन्ठ कुन वुछ चेर मा गव ॥

६.

हाय वन् कस व्यसिये कोता काल गोम
 स्यठा यचकाल गोम डोलुम होश
 प्रारान प्रारान वति प्यठ माल प्योम
 स्यठा यचकाल गोम डोलुम होश ॥

आयस कति तय गछुन म्य कोतू
 नाव कम्यसुन्द लोगुय म्य
 यिहन्ज ब आसस तिम ना कुने
 नाहकय मनि मंज लजिम प्राय ॥

कुस छुय बब तय कोसय छय मोजी
 कुस छुय बोय तय बन्द
 न काँह चोन तय न च काँसि हुन्दुय
 नाहकय लोगुय दोख मनकुय ॥

हतो पानो हयतो पोत पोतय
 पख लोत लोतुय कदम् त्राव
 वन क्या करुन छुय ज्ञाच्य तय नावस
 हाव बाव सोरुय पथर त्राव ॥

हतो पानो कति छुख आमुत
 कस छुख ज्ञामुत क्या छुय नाव
 कमिताम हित् गोमुत ज्ञालस मन्ज
 ज्ञाल कड़ पान् तय नखर नेर ॥

वन् हा कस वन् क्या सना अतुर गोम
 कतुर गोम नाल्य तय कउडय्म कुस

या डाल अथ् म्य पानय नाराण
नत् छस प्रारान दोह तय रात ॥

रात तय द्रोह छय कमला स्वरान
दम् दम् परान सूहम सू
हरे नाथ च्य कुन कन छस थावान
मन छुम पउरान सूहम सू ॥

७.

म्य वुछ पानय सू हनि हने
 म्य मंज्र मने रउटनम जाय
 सू बू कुनुय तय तिति कस वने
 म्य मंज्र मने रउटनम जाय ॥

कुनुय आसिथ लछ् बोद सुये
 सुये बुये केन्हं नत् क्या
 सुये बुये बेयि नो कान्ह
 हम प्यो वस्य तय भ्रम चोल मेये ॥

वन् क्या वुछुम म्य हनि हने
 म्य ब्रोन्ठ कने सपुद क्या
 नय छुम गम तय नय छम खोशी
 नय म्य मशीय युथ हाल ज़ाह ॥

फाक् व्रत दउर दउर यति कम रूदी
 कम ख्यन बापत मूदय न कान्ह
 या गछि करुन ऊपकार कान्से
 नत् छुय वांसे नख हयोन बार ॥

वन् कस् बुय तय बोज्जम कुसू
 रोज्जम कसू म्योनुय याद
 वनान वनान ज्यवय लूसम
 तवय कासम दयन व्याद ॥

तवय पानस म्य आव मज़र
 हज़र लद गोम पननुय पान

न म्योन कान्ह तय न ब कान्से
वान्से यितुय सरेय गोम ॥

हर हर परान मर् मर् कासतम
चोपार्य बासोयम पननुय गाश
बोज़खय पोज़य छम चान्य आशी
नाश कर पापन सोन छुख च्यय ॥

नाद बो लायय दम् दम च्ये
म्ये प्रारान गये वान्स
कस वन् बुय तय कुस बोज़िम्ये
म्य मन्जं मने रउटनम जाय ॥

८.

श्यामस म्य वोन श्यामन
 जामन ब पारह करसय
 सोय छय म्य मनि कामन
 जामन ब पार् करसय ॥

कम्यताम म्य खबर सूजम
 सुय पयगाम बूजुम
 तिय बूज सरि आमन
 जामन ब पार् करसय ॥

पज्य पाठय गयस ब फलवा
 पय चोन हय्वान हर जा
 कात्यन रोठुय म्य दामान
 जामन ब पार् करसय ॥

हय्री बोन् सोन वोगनी
 हनि हनि दित्यमय वनी
 वननस ति गय कामन
 जामन ब पार् करसय ॥

सुय ज्ञानि यस बनीय
 नतह हाल कस वनीय
 सुय ज्ञानि यमिस छय कामन
 जामन ब पार् करसय ॥

वज्यनस ब कम्य कर्मन
 खय गोम मोठुम ख्यन चयन

तव् किन्य लजिस ब पामन
जामन ब पार् करसय ॥

मन् किन्य न काँसि स्यतीय
तव किन्य न कान्ह प्रीतीय
सयीत सयीत नच्चान ब गामन
जामन ब पार् करसय ॥

अज्जताम वुछुम न कान्ह म्य
यति योर वनय ब क्या च्यय
पूर कर च मनि कामन
जामन ब पार् करसय ॥

हे नाथ करतम साये
आश चान्य जायि जाये
च छुख नेश्यकल न्यरनजन
जामन ब पार् करसय ॥

सथ वनतम सतय
बूज्जिथ यियम वथय
नत् छुम मशान ख्यन चन
जामन ब पार् करसय ॥

लोल कमलायि प्रोनुय
कमि छल् सु यिय् सोनुय
वनि क्या सुदाम मिसालन
जामन ब पार् करसय ॥

९.

कर जुवह व्यन्नार क्या छु लारुनये
आलव गोनये गोस
हय्सस प्योस यचकाल्य
घर गोस छोनये ॥

ध्यारव रुसतुय जीनिम स्यठाह ध्यार
सात्य रुदुम बाज्यगार
बार बार हार ख्यथ वार् गोस छोनये
आलव गोनये गोस ॥

मुह मदकुय बापार गोस नोनये
अहन्कार किन्य वोथुस पोस
वुछ न्नोपार्य गट्कार गाट्जार छोनये
आलव गोनये गोस ॥

भवह सरह सदरस तार छुय सोनये
ब्रोन्ठ आवलुनये प्योस
तारस तोर अपोर गोस कुनजोनये
आलव गोनये गोस ॥

भव् सर तार वुछ पख ब्रोन्ठ कुन्ये
वार् व्यसतारुन प्योस
बाज़र् चन्द छोन्य हयोतुन मन्दछुनये
आलव गोनये गोस ॥

कर्म फलकुय सोख दोख भूगुनये
मोख मोख रोज़नु प्योस

समयुक नाद गोस वाद वाद छोनये
आलव गोनये गोस ॥

त्यलि वुछ न कमलायि सोन त वोगुनये
यलि नाद गोनये गोस
कीवल नाव प्योस कीवल नोनये
आलव गोनये गोस

१०.

कूत काला वोत म्य प्रारान
 बालि कोताह काल गोम
 चालि चाले ओश ब हारान
 बालि कोताह काल गोम ॥

अशि कनि खून होरुम
 जून लउजमच छम अउछन
 डालि अनहाय ब पनुन पान
 चाल् कोताह काल गोम ॥

यच् वोदुम चाख गयम बदनस
 वदनस मा वार छुम
 ओश वसान छुम दारि दारे
 प्रार् कोताह काल गोम ॥

माया जाल क्या छु आव्युल
 खोश यिवुन जाल्व्युल स्यठा
 वुछन् सातीय अथि छि यिवान
 सारि कोताह काल गोम ॥

पननि कर्मुक बार कोताह
 जोरह खोरन प्यठ नखन
 तना आयस गोबस्यठाह गोम
 वाल् कोताह काल गोम ॥

कर्मकुय जाल जयूठ त आव्युल
 क्रूठ पय्तरावुन प्योम

वन्य न खबर क्या करुन छुम
टालि कोताह काल गोम ॥

म्युल छु आसान कर्मकुय
अद् छु जीव जन्मस यिवान
युन त गछुन ज्योन त मरुन
त्रालि कोताह काल गोम ॥

यी वोनुय कमलायि पानस
पानसय वोपदीश करान
दीश् दीश् आयि फीरिथ
च्यय निश कोताह काल गोम ॥

११.

मस चाउवथस हा मसतान्
 जानाने ब हो करयो
 कननय कन् वाउल्य दूर दान्
 जानानय ब हो करयो ॥

दिथ समाद गअंज में व्याद साउरय
 घरि द्रायस ब नन्वोउर
 रोनि ग़न्ड ग़न्ड कम नचानय
 जानानय ब हो करयो ॥

साज सेतार बूजुम वजन
 टासराये सउदर ग्रज़न
 आबशार ओम सु प्रांनय
 जानानय ब हो करयो ॥

नय तति दोह तैं न रात
 नय तति शाम नय प्रभात
 आत्म प्रकाश गाश चमकानय
 जानानय ब हो करयो ॥

ज़ोर कोरमस आलव आलव
 नाद म्याउन्त्य बूज्य कोहव त बालव
 युस ब छानडन सु पांउनय पानय
 जानानय ब हो करयो ॥

लोकचार प्यठ ग्यूर आम फेरान
 सूर म्य गोम सु सू छारान

तार दिवान सु पांउनय पानय
जानानय ब हो करयो ॥

कथ प्यठ आउसस देवानय
भव सरस मन्ज हउरानय
सुप्न माया सोरुय बहानय
जानानय ब हो करयो ॥

मस साउरी वल्यमित्य भ्रमन
अंद्रिम कथ ब बाव् कमन
तम न दिवान कति सु थानय
जानानय ब हो करयो ॥

राम नाव छुम मनस खनिथ
राम कउरनस यलि आम बनिथ
खाम कमला छय मसतानय
जानानय ब हो करयो

१२.

कस वनि हिये सगह कनि नार प्योम
 बार गोम गोब तय तुलुन क्रूठ
 वनुन बनि मा त्रेशि कनि ज़हार चोम
 बार गोम गोब तय तुलुन क्रूठ ॥

वनुन मा बनि सनुनय पानस
 वनि कुस तस जानानस म्योन
 यिय आम बनिथ तिय गोम सनिथ
 काँसि हय्कुम न वनिथ ज़ान्ह ॥

अन्त मा कुनि समसारक्यन गमन
 यिम वलय भ्रमन तिम गय बन्द
 कोकालन कलिकालस वोल्मुत राग
 चल्थमित पज़्थ पाठय गव दीश त्याग ॥

रोशिकस कान्सि हुन्दुय छुन कान्ह
 नाहकय गोमुत छु जालस मन्ज़
 दपान वक्तस काँह छुन् पोशान
 वखत्य रटान सारिनय तल ॥

क्या वन् यति ना कान्ह काँसि पोशन
 यति डज्यमन्न स्य पारीज़ान
 यति मेलन जमीन तय आसमान
 यति प्योमुत मान तय अपमान ॥

दपान वक्तस आसान करुन यिय
 नाहकय गछान कान्सि हन्ज़ दुय

असली ना येति कान्ह कान्सि हुन्दुय
कथ प्यठ गयी मनि दुय च्छेय ॥

यिय पान् कोरुथ पनने पानय
तिय दान् दानय तुलुन छुय
तति क्या अथ रोट करि गौरज्ञानय
सु पान्य पानय तुलुन छुय ॥

पानस ख्योन मुशकिल बेयस दुयन सहल
वनुन सहल बनुन महाल
पानस पानय तारुन त मारुन
पनुन पानय सिखिम त कूठ ॥

या गछि यति काँसि वोपकार करुन
नत् छुय पानय मरुन जान
मरन् ब्रोन्तुय कथ छुय मरनुय
यति छुय सोरनुय पननुय पान ॥

हतो पानो गछतो शरनय
यति छय स्वरनुय पननुय पान
ज्ञान कर पानो हर हर परनुय
यति गछि स्वरनुय पननुय पान ॥

कमलायि हयोतनय शिव शिव करनुय
बोझखय ज़िन्दय मरनुय जान
नत् छुय हरदन्य पोशथर हरनुय
यति गछि स्वरनुय पननुय पान ॥

१३.

ल्वकचार सुरुम मल तुल्य तुली
 पलल फिर फिरी लूसुम पान
 कान्सि मा केन्ह वोन शान् मुरय मुरी
 पल फिर फिरी लूसुम पान ॥

कुठ वुछ समसार क्या कउरकरी
 ज्यूठ गछि जानुन अपुज व्यवहार
 अथ् ज्ञन व्यसरयोम छल कउरकरी
 पल फिर फिरी लूसुम पान ॥

नेरि क्या याति नोकर कउर करी
 आखर पानस प्यतरुन पान
 वुछ क्या फल नेरि मालय फिर फिरी
 पल फिर फिरी लूसुम पान ॥

नत् क्या स नेरि सुल कउर करी
 सुल कउर कउरी छुम सपदान चेर
 कमि छल किन्य खल आयि बउर बरी
 पल फिर फिरी लूसुम पान ॥

कम वीर वुछी म्य थर फिर फिरी
 वकतन कात्या कउरमित गीर
 छल क्या सना वनि मल तुल्य तुली
 पल फिर फिरी लूसुम पान ॥

कम रंग कउरनम अम्य रंगरीय
 बे रंगसय मन्ज ओननम होश

पम्पोश लागय वीद पउरय परी
पल फिर फिरी लूसुम पान ॥

माया ज़ाल गोम नाल्य फिर फिरी
काया काठिस प्यठ छस बो
भ्रम चोल कमलायि शिव स्वरय स्वरो
पल फिर फिरी लूसुम पान ॥

१४.

ल्वकटय आसिथ आयम वृदीय
 स्यदी शक्ति गयम दूर
 कम रंगकउरयनम ल्वकटिस पानस
 छन् जानानस खबरय केन्ह ॥

आखर क्या वन् पननिस पानस
 बेखबरी हुन्द ओस व्यवहार
 येम्स युथ वुछ म्य तस त्युथ पानस
 छन् जानानस खबरय केन्ह ॥

कम् ग्रायि लउजम मन् किस थानस
 ज़म ज़म सातीय हव्चनम रेह
 श्रह छुन वसन नोज़ुक पानस
 छन् जानानस खबरय केन्ह ॥

फेरान आंसस मुलकस ज़हानस
 पानस आसम मस्तीय सीत
 बसतीय मन्ज़ आम वाराग पानस
 छन् जानानस खबरय केन्ह ॥

कम कम रंग वुछ म्य यथ जमानस
 पानस हुय्व वुछुम न कान्ह
 कुस आसि शीतल स्वभाव यथज़मानस
 छन् जानानस खबरय केन्ह ॥

या कर साय म्य पान्य पानस
 नत बे गानस क्या मंग बो

तिम ख्यना पानउ किन दिन बेगानस
छन् जानानस खबरय केन्ह ॥

वनन कमला पननिस भगवानस
सोजिना वनपुह गामस मन्ज
आराम कर हाव पननिस मकानस
छन् जानान खबरयकेन्ह ॥

१५.

अस्य आयि शरन चान्य घोननं
वनन यियि ना सोन
यि असि बन्योव ति कस बनन
वनन यियि ना सोन ॥

बनन ज़द छुय चे कुन वनन
कुस जानि बनन सोन
येलि यस बनन तयलि तिम सनन
वनन यियि ना सोन ॥

घरि आस्य द्रामत्य न्यथनन्य त नंगय
तमि खोत् मंगय क्र्या
यि असि बन्योव ति कस बनन
वनन यियि ना सोन ॥

दर्शन् चानिक छुम अभिलाशी
गाशी अन चवापोर
नाश गछि पापन तिति छा बनन
वनन यियि ना सोन ॥

प्रथ ज़ायि वातिथ ख्यावन त चावन
हावान माया छि क्या
वुछ कम कम बल् वीर छनन
वनन यियि ना सोन ॥

हनि हनि वुछिथ तोति छिन् हमन
भ्रमन सारी डाल्य

ननि वान् पनन्यन कान्ह छुन सनन
वनन यियि ना सोन ॥

यीय सू वनन तीय गोम् कनन
बनुन कोताह कूठ
वनुन मुशकिल गव सत जनन
वनन यियि ना सोन ॥

यिमन यि बनन सुतिय वनन
सनन खालय कान्ह
नत् कुस पानस पानय सनन
वनन यियि ना सोन ॥

वनन कमला पननिस पानस
श्री भगवानस कुन
नत् यिय तस करुन तिय तिय छु बंनन
वनन यियि ना सोन ॥

१६.

कमि वन् की पोश अन्
व्यन् लाग पूजाये
च्यय शरन छस ब् तन् मन
व्यन लाग् पूजाये

कर्महीन समसारस
लोगमुत व्यवहारस
मोकलाव वेशनारपन्
व्यन लाग् पूजाये ॥

च्यय दिम सरस्वती
कर चान्य अस्तोति
कमि भाव् लीला वन्
व्यन् लाग् पूजाये ॥

फेरान छस ब वननय
पय होत म्य कुल्य पननय
राम राम बूजुम कन्
व्यन लाग् पूजाये ॥

मस आसस पानस
मन्दछावहस गामस
मल गोल साफ तन मन
व्यन् लाग् पूजाये ॥

डोल सारनय निशान
वोथ सारिकुय अभिमान

ईश्वर शोभ लक्षन

व्यन् लाग् पूजाये ॥

सारसय गोम कुनुय

यकसान छुमन् वोनुय

सुय ओत वुछ म्य पन् पन्

व्यन् लाग् पूजाये ॥

अष्टा दश वुज्जी

सारी कष्ट हरी

भक्ति भावनाय चरनन्

व्यन् लाग् पूजाये ॥

रात द्वोह छुम चोन ध्यान

तन मन आलवय प्राण

छयन् मत् करतम क्षन्

व्यन् लाग् पूजाये ॥

अउछनय अनतम गाश

नोन हावतम ज्ञान प्रकाश

सुय छुम बोउ अन धन्

व्यन् लाग् पूजाये ॥

अउछनय मन्ज करय जाय

तालि प्यठ थावतम पाय

आय बनि चानि दर्शन्

व्यन् लाग् पूजाये ॥

साफ थावतम तन मन
 शान्त सोभाव हन हन
 सत सत बोझनाव कन्
 व्यन लाग् पूजाये ॥

भाव कमलायि चोनुय
 वाव कास नोव त प्रोनुय
 यिन् चानि त्रयलोचन्
 व्यन् लाग् पूजाये ॥

१७.

च छुख ज्योति ब परवानय
 म्य मा सुय मसतानय गोम
 ब लागय पोशि कनि प्राणय
 म्य मा सुय मसतानय गोम ॥

अजब ज़ूला वुछुम जोतन
 तम्युक गाह प्यव कोहन बालन
 म्य मा ज़ोन ओस मा पानय
 म्य मा सुय मसतानय गोम ॥

ब बू करनुक वोथ म्य अभिमान
 म्य पोरमुत पाठ द्वोरमुत ध्यान
 पोज़य वन क्या छु बोज़ानय
 म्य मा सुय मसतानय गोम ॥

स्यठा कोमल सफेद कोफूर
 सु बलवीर छुय स्यठा बोहदूर
 तमिस मनसूर छीय वनानय
 म्य मा सुय मसतानय गोम ॥

दपान छुय हाल पनुन वन् कस
 गोमुत समसार मन्ज बेकस
 गोमुत बे ह्यस त बेगानय
 म्य मा सुय मसतानय गोम ॥

छु पान् सोरय ज़ानानय
 कयामत कथ छि दपानय

म्य मा ज़ोन यिय छु सपदानय
म्य मा सुय मसतानय गोम ॥

वनान छी तस अहनकारी
गमित छिस बुथफिर सारी
तमिस मा केन्ह छु गुमानय
म्य मा सुय मसतानय गोम ॥

योताम कोरुम मोकलनुक सन्ज़
तोताम गयस ब ज़ालस मन्ज़
यि ज़ाल छा कान्ह चटानय
म्य मा सुय मसतानय गोम ॥

अउछव किन्य जन वोथ म्य खून
प्यवान छुम लोल ज़ख्मन नून
समय मा ह्युव छु रोजानय
म्य मा सुय मसतानय गोम ॥

गयस फलवाह त बेयि हउरान
छु समसारुक चक्र बदलान
नोवुय नोव रूप छु हावानय
म्य मा सुय मसतानय गोम ॥

वनान कमला छि यि पानसय
हरे राम कासतम मनि दुय
चोपार्य बासतम च पान्य पानय
म्य मा सुय मसतानय गोम ॥

१८.

असार समसार सारनय
 तस बे आरस आरनय
 बेगम वोफादारनय
 तस बे आरस आरनय ॥

ज्वल त्राविथ रोज़ बोज़ कनय
 वज् वुन छुय सेतार नय
 लोल्लार ज़ोरावार हय
 तस बे आरस आर नय

दूरी दितनम तीर बरिथ
 लोल् होत सीनस गोम तरिथ
 हारिथ पेयस गमखारनय
 तस बे आरस आर नय ॥

दम् दम् दमन हय्स करिथ
 यकदम प्येयस पुह पन हरिथ
 रस लोग मस खुमार हय
 तस बे आरस आर नय ॥

सोरय २ समसार सर् गोम
 कउति कउति आछुर पर् प्योम
 दरह गोम अप्रम पार हय
 तस बे आरस आर नय

वस पेयि सोरुय यति हरिथ
 छोनुय गछ अपोर तरिथ

कुनुय सु बेशुमार हय
तस बे आरस आर नय ॥

वनन कमला लोल सोज़
द्वोन गोम कुनुय वारह बोज़
त्रउन मन्ज़ दुनिया दार हय
तस बे आरस आरनय ॥

१९.

कोस् पूजा कुसू पाठ पर
 हर लगयो नावस
 अकि नाव् चानि सात्य बो तरु
 हर लगयो नावस ॥

दउदलद छस आज म्य बूजुम
 सुय छुम दादय्न दवा
 बर म परवाय सुय छु ज़र ज़र
 हर लगयो नावस ॥

रुम् रूम्य बुय च लल्वथ
 रुम रुम छम चान्य सथ
 गुम् छिम वसान बसमादर्
 हर लगयो नावस ॥

छोखलद छस छोख म्य लग्यमित्य
 जख्मी गव पान म्योन
 ज़ानि ईश्वर सुय छु ज़र ज़र
 हर लगयो नावस ॥

नत् करहा अस्तुती चान्य
 प्रतिबन्द निशि रछतम
 दोख दादि निशि रछ म्य ईश्वर
 हर लगयो नावस ॥

अस्तुति चान्यी ब करहा
 मस्त मदहोश थवतम

पोशन कर् ब अम्बर
हर लगयो नावस ॥

प्रालबद कर्मक भूग भूगुन
भव रूगन करत् नाश
आश छम चान्यी म्य ईश्वर्
हर लगयो नावस ॥

घर् रुसतुय छुन् कान्ह घर्
बेहन् बापथ न कुनि जाय
करत् अनुग्रह दय सोज़ घरउ
हर लगयो नावस ॥

कमला छय नाद बोजान
याद कर सना पेयि तस
अस्य गछ हाव पननुय घर्
हर लगयो नावस ॥

२०.

ज्यन काल् प्यठ बार गोम गोबुय
 रोज़हा लोबुय तुल्यहे कुस
 अज़ताम कुस पूश कर्म किस न्यायस
 पायस प्यथ छुन् केन्ह ॥

यि कथ वनि सुय यस यि बने
 नत् क्या वने लूकन हाल
 बोज्यस कुस तय कुसू सने
 नाहकय छ्ये वने कस ॥

कम रंग कउरिनम बे रंग पानस
 यि कमि वानय रंगनय आव
 वना पनन्यन किनह गारज़ानस
 छुन इनसानस पानस ताम ॥

यस यि कर्मस तस ति बने
 यति कुस सने कस क्या गव
 पननुय करतूत बकार पानस
 बयाख मा तुलि सुय शानन प्यठ ॥

पनुन त्राविथ परद्ययन निशे
 यति ना छुय पनुन काँह चे
 पननु परुद हुवुय स्वरिजे
 दम दम स्वरिजे पनुन ध्यान ॥

२१.

नाव चानि छस ब तोशन
पोशन ब माल करसय
यचकाल म्य वोत रोशन
पोशन ब माल् करसय ॥

छाया गयम अछन मन्ज
बास्योम यि मा सु पानय
येमि संदि यिनय ब तोशन
पोशन ब माल् करसय ॥

यव् किन्य म्य धायन चोनुय
ओसुम सु राग प्रोनुय
सोय तार वज्ञान म्य गोशन
पोशन ब माल् करसय ॥

कूत काल म्य वोत प्रारान
अशि कनि खून छस हारान
जूनि गाशि चूनि ज़रसय
पोशन ब माल् करसय ॥

वन्य छुय दिवान यमबुरज़ल
रात दोह म्य छम सोय कल
यिन् बोम्बर नि पाठय मरसय
पोशन ब माल् करसय ॥

वान्सा म्य वोत प्रारान
वन्य दित्य म्य कोहसारन

यिन् कुनि विजि ब डरसय
पोशन ब माल् करसय ॥

लारय ब पत पतय
वुछहा ब चानि वतय
वनतम कमि तार् तरसय
पोशन ब माल् करसय ॥

वननुय स्थठाह छु द्वोरलब
कुस ज्ञानि म्योन मतलब
यिन कुनि दमकी डरसय
पोशन ब माल् करसय ॥

यति क्या ओस म्य करनुय
ईश्वर नाव स्वरनुय
भव् कालेजस परसय
पोशन ब माल् करसय ॥

कमलायि युतय हावस
ब्यल पूजाय लागस
मालन ब चूनि जरसय
पोशन ब माल् करसय ॥

२२.

कम पोश फोलिमो पोशि थउरउनि
रंग चरय्न बोश
यचकाल्य याद प्योम घर पनुन
हउयोतुन सउनुन म्य
कम पोश्य फोल्य कनउ हरय्न
रंग चरय्न बोशं ॥

रहे गन्डउनम म्य वारागय
हटि न वसान श्रह
बेयि बहार यियना पोशि थउरउत्थि
रंग चरय्न बोश ॥

तति कम गुलजार आस्य फोल्यमित्य
बुलबुल चल्यमित्य आस्य
तिम पोश वन्य कुस लागि खारय्न
रंग चरय्न बोश ॥

आलीशान छय कम जाये
कमि राये आस्य
तिम आस्य शूबान शाही घरन
रंग चरय्न बोश ॥

अस्यआस्य थउकिमित वार् वन् कस
पार पानस गोम
तिम पोश फोलन ही थरय्न
रंग चरय्न बोश ॥

चल्यमित्य बुलबुल बेयि छि प्रारान
 तति छि छारान दय
 वन् हगं मंगय कया छि चारान
 रंग चरय्न बोश ॥

कमला छय तोस व्यछनन
 गोस मा तस ओस
 तोस कउत्य कउत्य चटिना फयरन
 रंग चरय्न बोश ॥

२३.

येलि यियि सख्ती भक्ति
 मोखती मेलि सुदामस
 त्यलि चलि संकट सख्ती
 मोखती मेलि सुदामस ॥

वल् थव कन चे वनय
 क्या क्या गुदरोव तनय
 तोति छम चानी भक्ति
 मोखती मेलि सुदामस ॥

बा स् कर् चानी पूजा
 न्यरआशी प्येमच सरि राह
 घर रुसतय छम सख्ती
 मोखती मेलि सुदामस ॥

अन्द्रिम मा बनि वनुन
 सीर मा गछि फाश पनुन
 नाश कर पापन छि सख्ती
 मोखती मेलि सुदामस ॥

कम कम फिर लग्य म्य पानस
 कस वन् यथ जमानस
 कुस कासि व्याद तय सख्ती
 मोखती मेलि सुदामस ॥

आव यस बनिथ पानस
 वनि क्या सु बेगानस

हय्क् क्या हाविथ सख्ती
मोख्ती मेलि सुदामस ॥

गाटस घेलि प्योम गाटय
करमउनि रज़ी क्या वाटय
ददरायि ओश वोथ म्य बख्ती
मोख्ती मेलि सुदामस ॥

अकिसय व्य म्य ज़ारी
अकिसय लगहा पारी
लछनोव छानडुन सख्ती
मोख्ती मेलि सुदामस ॥

ज़ामन कउरमय पारय
तव् किन्य छस आवारय
यि दिच् रामन शक्ति
मोख्ती मेलि सुदामस ॥

रामस छल् ब पादय
रछवुन सन्त त सादय
नाव् चानि चलि दूर सख्ती
मोख्ती मेलि सुदामस ॥

कमलायि वोन गणशयामस
स्योद वुछ शहरस त गामस
च्य कास संकट सख्ती
मोख्ती मेलि सुदामस ॥

२४.

कम रंग वुछी म्य यथ समसारस
 कात्या रंग छुय बदलावान
 यिम यति आमत्य शमन शमन
 तिमन ना छय गमन जाय ॥

मन छुम गोमुत स्यठाह आव्युल
 वावचि ग्रायि सात्य ज़न गोम चाख
 बयाख छुम वनान यि गव क्या सना
 यी गव तीय तय यिन् केह ॥

ग्रट छु फेरान ज़ेरे ज़ेरे
 नत म्यानि ज़ेरे नेरि क्या
 मालि तल ओट वुछ मिहीन् नेरे
 नत म्यानि ज़ेरे नेरे क्या ॥

नोज़ुक पानस पहलवान बुथि प्योम
 दब गोम तस सात्य वनहा कस
 रस् रस् तस म्य पान पुशरोवुम
 येम्य म्य होवुम अनि गटि गाश ॥

कमिताम समयिच दार होर आसम
 तव किनय् बास्योम दुबह आकाश
 हनि पानस दिचोम वोनुय
 नेरिना नोनुय स्वयं बू ॥

२५.

यिवान छस बो अबुर बन्य बन्य
 दिवन वन्य आसमानन मन्ज
 चवान लोलमस मस बन्य बन्य
 दिवान वन्य आसमानन मन्ज ॥

छु भवसर भ्रम तय आवलुन
 गछान मश्य मश्य याद ख्योन चीन
 अउछव किन्य वोथ म्य ज़न रूद
 बनिथ यच् बारानस मन्ज ॥

छु चाने आसरय शोलान
 रंगा रंग जानवर बोलान
 बनिथ बो बागवान रोज़य
 दिमय व्य गुलिसतानन मन्ज ॥

सोन्दर वानी सोन्दर थव मन
 च्य अज यी प्रण म्य सात्यन छुय
 चलख कोत दूर पतय लारय
 रटथ बो कोह वयावानन मन्ज ॥

कमन कमन गयस पत् पत्
 ब वुछहा चानि वत् छि कपअरय
 अकल गय दंग बेयि हारान
 च वुछमख वारानन मन्ज ॥

म्य गोन्दनम रुम् रुमय नार
 गयम म्य रुम रुमय हुशयार

कोरुन मुह मदसय लुरह पार
वुछुम तपिस तानस मन्ज ॥

वनय क्या हाल क्या संउपुन
कुनी ज्ञन्य हघ्नस कापन्य
दितिम वन्य शहर तय गामन
सु डयून्तुम मसतानन मन्ज ॥

कुनिस पानस गयम कम खारय
यिवान छिम बरय बरय अशय टारय
खोरन कउर दग पुचपारन
म्य बूजूम अन्द मज़ारन मन्ज ॥

गयस फलवा त डोलुम होश
फोलुम अदह बूद कुय पमपोश
वुछुम आशचरह कुय सोदा
छि कमला शाह शहारन मन्ज्य ॥

२६.

म्य वुछ सु पान्य पानय
 मोत मसतानय व्यसिये
 यियि ना सु जानानय
 मोत मसतानय व्येसिये ॥

फेरान तस अउन्दि अउन्दिय
 कम जाम् छिस मारय मन्दीय
 लागस पोशे गोन्दी
 छस देवानय व्येसिये ॥

गथ कउरनय ज्योति रूपस
 प्रज़लवनिस दूउपस
 तति द्वोद सु पान्य पानय
 मोत मसतानय व्येसिये ॥

युस द्वोद यति लोल् नारय
 यियि कति बेयि दुबारय
 ठन्ठ् गव सु पान्य पानय
 मोत मसतानय व्येसिय ॥

न्याय येलि आयस अन्दन
 मोकलेय सारी बन्धन
 नज़राह कउरनय ज़न्दन
 मोत मसतानय व्येसिये ॥

सहल छुन् माया ज़ालय
 वोल काल सर्पन नालय

मोकलावि कुस कस पानय
मोत मसतानय व्येसिये ॥

क्या क्या म्य आव बनिथ
यन गोम सु नाद सनिथ
वनिथ क्या हय्क् पानय
मोत मसतानय व्येसिये ॥

वन् कस पनुन हालय
नाल्य गोम माया ज़ालय
कड नाल् सु पान्य पानय
मोत मसतानय व्येसिये ॥

फीरस हनि हने
सूर गोम ननी तने
कस वन् क्या गव बहानय
मोत मसतानय व्येसिये ॥

लोति लोति कोरमस आलव
बूजुम कोहव त बालव
यी वनी ती बोज़ानय
मोत मसतानय व्येसिये ॥

चउटि जाम् म्य हनि हने
सुय ओसम्य ब्रोन्ठ कने
जाम् चउटि म्य पान्य पानय
मोत मसतानय व्येसिये ॥

कमला कस वनानय

सतग्वर ईश्वर पानय

बाशान् शाह शोलानय

मोत मसतानय व्यसिये ॥

२७.

सतग्वर म्य चोन तमा
 अमा सु कर बोज़े
 गूव्यन्द नाव छुम शमा
 अमा सु कर बोज़े ॥

कम पम्पोश वथरावय
 सर पादन तल त्रावय
 हावय सुय म्योन शमा
 अमा सु कर बोज़े ॥

व्यवहारउहुचगय हानय
 मउश गोम पनुन पानय
 परउ प्योम कति रूद जमा
 अमा सु कर बोज़े ॥

बंधन बंधन चटिथ
 थोवुम दामान वटिथ
 रोनि दामान् छोन्य छुमा
 अमा सु कर बोज़े ॥

वज्ञान थाल घंटाये
 सुय नाद बूज़ हर जाये
 पर त्राहि त्राहि क्षमा
 अमा सु कर बोज़े ॥

युथय पेयम कलय
 त्युथय गय निरमलय

नय रुद सुय बुयू जिमा
अमा सु कर बोजे ॥

छोरुय गछिथ मोरुय
हेरि ति गउयस हयोरुय
नय वाल् वाशि फल क्षमा
अमा सु कर बोजे ॥

सुय नेरि हमस बनिथ
यस राम मनस खनिथ
नय तति भय खोफ भ्रमा
अमा सु कर बोजे ॥

जुदा गयम सारी
दिचम दस्तबरदारी
सात्य सात्य सतग्वर शमा
अमा सु कर बोजे ॥

हारिथ वुछिथ हउरान
गयस लोबुम दुरदान
सूर तनि मलिथ छुमा
अमा सू कर बोजे ॥

मुसाफिर मसतानय
छय कमला देवानय
चे रुस दिम कति तमा
अमा सु कर बोजे ॥

२८.

ओश वोथुम ददरायि
 वोदुम द्रायि वुछयने
 जलिउर सन्दि पाठय जाल वूनुम
 जालसय मन्ज़ गोस ॥

ज़ावजारचि त्रायि वोदुम
 द्रायि वुछयने
 आव्युल त जाव्युल कोताह पन
 छुस न लगान छय्न ॥

अवय म्य स्जुरुचि जायि वोदुम
 द्रायि वुछयने ॥

क्रत्य क्रत्य आछुर कोता गोम
 ओम कतुन प्योम
 ओम ओमचे त्रायि वोदुम
 द्रायि वुछयने ॥

सत ज़न सात्य हय्य
 सत व्यचारस लोकचारस ओस
 सत संगके त्रायि वोदुम
 द्रायि वुछयने ॥

तफ कउरि कउरि तफ खचायाम
 जफ करायाम सय्द
 आयि खन्डरात गय जायि वोदुम
 द्रायि वुछयने ॥

खन्दन मन्त्र खन्द गयम
 फन्द व्यवहारस
 चन्द छैन्य गयायस जाये वोदुम
 द्रायि वुछयने ॥

मायायि सात्य छि ग्रायि दिवान
 सउय गरीबन रेह
 बे खसमान बेवायि वोदुम
 द्रायि वुछयने ॥

गफलत यि दुन्या ज्ञान सोरुय
 कस छु रोज्ञान सार
 गुफतार् बे परवाय वोदुम
 द्रायि वुछयने ॥

सारी मुसाफिर खान बउरि बउरि
 पान् रोज्ञनु कस
 वुछ वुछ दिल दोबरायि वोदुम
 द्रायि वुछयने ॥

नाहक योर प्योम युन त गछुन
 छुय यि द्वोख सागर
 यी वुछः वुछः कमलायि वोदय
 द्रायि वुछयने ॥

२९.

माया छाया काया चमनय

कट कर गमनय चठ मायाज़ाल

प्रतिबन्दउकि गन्द मुचरावय ओमनय

कट कर गमनय चठ मायाज़ाल ॥

कलि कालस मन्ज राम राम स्वरतय

राम गछि करुनुय पननुय पान

त्युथ मन्त्र गछि रुम रुम चमनुय

कट कर गमनय चठ मायाज़ाल ॥

साद भाव् सात्य गछि सादुनय

नाद बूजिथ कन दिथ रोज़

बोज़ छी वनान दीवगण आदमनय

कट कर गमनय चठ मायाज़ाल ॥

सतग्वर ध्यानस प्यठ छुय दरनुय

तरनुय तारस करुनउ अपोर

पउंरय पउंरय अपुर मुह हेयि भ्रमनुय

कट कर गमनय चठ मायाज़ाल ॥

द्वोह लूसिथ ह्योत ज्य कुन न्यमनुय

कमनय सात्य गव म्योन व्यवहार

फन्द करय करय ह्योतनम ज़न्द छननुय

कट कर गमनय चठ मायाज़ाल ॥

लोल नार चाल ज़ाल अज्ञान गननय

काम क्रूध लूभ मुह बेयि अहनकार

झान रूप् ज्योति नार लागि कमनय

कट कर गमनय चठ मायाज़ाल ॥

रंग रंग पोशय फोलिय कमलायि

कन्डि रुस गुलाब छा मुशकदिवान

रोय छुस शूबान बोय छुस पननुय

कट कर गमनय चठ मायाज़ाल ॥

३०.

शम् दम् शान्ती शबनम मोख्त ज़रह
 ब्रह्मसउर सर कर पान तर अपोर
 दम् दम् क्रम सान मान अपमान हर
 ब्रह्मसउर सर कर पान तर अपोर ॥

अज़ ज़पाजपकुई अग्न कोन्ड गोमखर्
 अग्नि वत्रि कनि द्वोद म्योन मन त प्रान
 शमशान वाराग द्वोदमुत कति घरउ
 ब्रह्मसउर सर कर पान तर अपोर ॥

झाण विझान प्राव त्राव गफ मर् मर्
 हफ खान त्राव कर ह्योर परवाज़
 शिनि छटि अनि गटि प्रज़नाव गाशरउ
 ब्रह्मसउर सर कर पान तर अपोर ॥

राग द्वेश त्राविध वुछ दीशान्तरह
 कुरुक्षेत्रस मंज कोरव राज
 कृष्ण जुव अर्जुनदीव हय्थ ज़रह ज़रह
 ब्रह्मसउर सर कर पान तर अपोर ॥

द्रोपती जाम नाल् कूडय सभायि अन्दर
 दुशासन ब्यूठ कोछि मन्ज हयथ
 कउडय कउडय जामन ख्व गय अंभरह
 ब्रह्मसउर सर कर पान तर अपोर ॥

गिनदान भगवान् तमि विजि नरदस
 परदस मन्ज सारुय वुछान

बसवुन सु द्वारिकायि भास मनि मंदरह
 ब्रहमसउर सर कर पान तर अपोर ॥

हर्षस् गछिथ हर्षकि मदान्
 थर थर लजिम रुदुम न होश
 हर्षक ओश वोथ म्य बारान दरह दरह
 ब्रहमसउर सर कर पान तर अपोर ॥

दुष्टाचारी फल्लेयि घरह घरह
 वेशयनारपन थाव म्योन तिख्याल
 सनि कति कमला वनि कति म्योन घरह
 ब्रहमसउर सर कर पान तर अपोर ॥

यति क्या प्रावुन त्राव जगि अन्दर
 माया कालुन ज्यूठ व्यवहार
 ख्राम ख्याली हुन्द छुय आहरह
 ब्रहमसउर सर् कर पान तर अपोर ॥

३१.

व्यचारूक गाश थावुम निरमल
 बु लागय भाव ब्यल मादल
 आचारूक होश थावुम निशकल
 बु लागय भाव ब्यल मादल ॥

अछन दिम गाश कोठय्न होश पूर
 कोरुम वासनाये ज़ालस सूर
 वुज़ी आत्म तिर्थुक ज़ल
 बु लागय भाव ब्यल मादल ॥

गछान नदियन सु ज़ल ज़ारी
 यिवान यिम तिम चवान सारी
 चथय त्रफती यिवान जल जल
 बु लागय भाव ब्यल मादल ॥

पकान छीय ब्रोन्ठ सु अभ्यासीय
 घरे द्रामुत सु वनवासी
 बरान मस खउसय पुर यमबुरज़ल
 बु लागय भाव ब्यल मादल ॥

वजान छय लोलचि तारय
 छि बोज़ान नय पय दर पय
 न रोज़ि बौछि त्रेश न कान्ह गाँगल
 बु लागय भाव ब्यल मादल

भ्रमुक परदह ओस यचकाल
 तोताम वोल काल सर्पन नाल

बुछम मायज़ाल गयस निर्मल

बु लागय भाव् ब्यल मादल ॥

दैरु कोताह माय ज़ालस

कुनी दरह छुस करान बे हय्स
कमन वीरन करन कम छल

बु लागय भाव् ब्यल मादल ॥

छु जिन्दगी हुन्द सफर ज्यूठुय

यिवान छुय ख्योन खोशय म्यूठुय
प्यवान प्यतरुन सु अनि कति भल

बु लागय भाव् ब्यल मादल ॥

छु सोरुय ज़ानवुन पानय

यिवान प्रमाद् अझानय
गछान छो पान्य पानय तल

बु लागय भाव् ब्यल मादल ॥

करख तफ ज़फ त लारी सुय

बनिथ यूगी चली मनि दुय
छनी अभिलाषणी हान्कल

बु लागय भाव ब्यल मादल ॥

ध्यान् सात्य नाव मन त प्राण

झान गंगाई वस कर श्रान
तिथिस तिर्थस वनय क्या फल

ब लागय भाव ब्यल मादल ॥

बनख निरराग राग त्राविध
 मान औमान मुशराविध
 करख सतसंग वापस म चल
 बु लागय भाव ब्यल मादल ॥

नचान छी चरसी बनी
 बनान सारी छि सतसंगी
 बनख सतजन छु वाद् अटल
 बु लागय भाव ब्यल मादल ॥

यिनय ब्रोन्ह कुन दिनय पामय
 छउनय तमि सीत अझान जामय
 ननी तनि सूर च पान्य पांनय मल
 बु लागय भाव ब्यल मादल ॥

वजान छुय सतकुय सन्तूर
 यिमव बूज कनव तिमय बहुदूर
 छि तिम वारागी निर्मल
 बु लागय भाव ब्यल मादल ॥

वजान छस मनचे तारय
 वसान छस अशिने दारय
 तरान तारय स्यठाह कोमल
 ब लागय भाव ब्यल मादल

यि भवसर बौड स्यठाह जील डल
 ह्यसस रोज़ यिन गछी गांगल
 लउयमभि मन्ज़ छुय फोलान कमल
 बु लागय भाव ब्यल मादल ॥

३२.

मनकुय थज़र वनुन पेयि
 गय कम म्य अफसानय
 मनकुय बजर यि वनुन बेयि
 गय कम म्य अफसानय ॥

फलि फलि यि वोवमुत म्य छुम
 हलि हलि ति प्यव लोनुन
 दान दान मज़ह चशुन पेयि
 गय कम म्य अफसानय ॥

वुछ यचकोल बन्धन
 ह्योर ह्योर ति छुन अन्दन
 जन्दन योताम न नार दियि
 गय कम म्य अफसानय ॥

पूरग्र योताम अज़लुक
 करि क्या हिसाब रुसतुय
 असलन निशे पथर पेयि
 गय कम म्य अफसानय ॥

सोरुय तमाह म्य त्रोवुम
 हेछमुत गाटउ खरचोवुम
 रोवुम यि रावनय छुय
 गय कम म्य अफसानय ॥

दोह पोशि यति आदर
 छुख जवानि शेरि नर

लारय्स बुजर पथर पेयि
गय कम म्य अफसानय ॥

छारि कुस शुरयन त बाचन
महा गटि अर्द राचन
करि कुस वफा बद खोयि
गय कम म्य अफसानय ॥

करनुय तमा छु तावन
स्वरनुय छु मन्दछावन
हावान लूकन मिथ्याह छुये
गय कम म्य अफसानय ॥

द्वोख येलि यिवान मुकाबल
पेयि दाना त आकल
अदउ ज्ञातकन नज़र दियि
गय कम म्य अफसानय ॥

दूरि दूरि वुछान छि कमला
चोल भय खोफ यकजा
अदह नोन पाठय नचुन हेयि
गय कम म्य अफसानय ॥

३३.

मुशकिल चालुन प्योम
 सु प्रोन कर्मय लोनये
 बुलबुल हय गव नालान
 वन्य गुलजार म्योनये ॥

वन् कस अन्द्रिम हाल
 सनि लगि तस यचकाल
 ज़ाल पान् वूनये
 वन्य गुलज़ार म्योनये ॥

सोरय सोरय सूर हय गोम
 ग्यूर आवलुन ब्रोन्ठ प्योम
 सुर हयोतनम छकोनये
 वन्य गुलजार म्योनये ॥

हाल क्या हाल वुछ म्ये
 गव स्यठा यच्छाल म्ये
 खाल काँसि काँसि जोनये
 वन्य गुलज़ार म्योनये ॥

लोल नारुक आमताव
 वारागन गोन्ड जलाव
 हावभाव क्या थयकुनये
 वन्य गुलजार म्योनये ॥

यन् कनन नाद गोम
 तन सोरुय व्यसरयौम

हस्य पान् खसवोनये
वन्य गुलज़ार म्योनये ॥

गगरायि वुज़मलय
गय पेय सारी कलय
छल गोड वुछवोनये
वन्य गुलज़ार म्योनये ॥

राह मुसाफिर थोक स्यठाह
तम्घी कुनि जाय छा
गम न केन्ह करवोनये
वन्य गुलज़ार म्योनये ॥

लूठ गोस लूट् मालसय
राज़स कुस निय सालसय
सु आसि वालीय चोनये
वन्य गुलज़ार म्योनये ॥

वनउ कस अन्द्रिम हाल
सनि क्या दिहिच याल त चाल
सु बाल गूपाल म्योनये
वन्य गुलज़ार म्योनये ॥

नय धन नय ध्यार छिम
नय काया सार छिम
नय असार सार ज़ोनये
वन्य गुलज़ार म्योनये ॥

भवसागर बेकस

त्राव तलवास वस वस
खस अगम दीश कुनये
वन्य गुलज़ार म्योनये ॥

सुलि पानय द्रायस

बेखसमानय गयस
कुस स्थान यति सोनये
वन्य गुलज़ार म्योनये ॥

रावस रावमच ब छस

हारथ वुछिथ हरान गयस
बागि वारान ति चोनये
वन्य गुलज़ार म्योनये ॥

वोन कमलायि पानसय

गउरज़ान क्या ज्ञानसय
मान अपमान ह्योनये
वन्य गुलज़ार म्योनये ॥

३४.

कलि कोरमस नाध लोत लोतये
 सूरमोतये आंगन चाव
 बालि ओसुम लोल आमुतये
 सूरमोतये आंगन चाव ॥

मुह राचव करेहस मसय
 अनि गटिस रुदुम न ह्यसय
 बारि बोर ओस नख्य खोतमुतये
 सुरमोतये आगन चाव ॥

माया कालन दित्य बारव
 कर्मउनि न्याय मटि कस खारव
 ब्रोन्ट् कनि कयव ति दूर दूर ह्योतये
 सुरमोतये आंगन चाव ॥

योद लोगमुत छुय सीथ्य मनस
 इसताद ज़न छुय राज़ह कनस
 माम ब्यनथर न अथि आमुतये
 सूरमोतये आंगन चाव ॥

अपरादुक फल छुय नाशी
 कर दया गटि मंज हाव गाशी
 सु प्रकाश भगवान् ह्येतये
 सुरमोतये आंगन चाव ॥

यी करख ती छुय प्यतरावुन
 हाव भावुक अभिमान त्रावुन

नूर भोरतुय छुय सूर मोतये
सूर मोतये आँगन चाव ॥

पमपोशी हय वथरावस
सर पादन तल हय त्रावस
शहनशाह आलमन फयूरमोतये
सूर मोतये आँगन चाव ॥

यूग प्रालभतुक बुगताविथ
बूदयूगकीय जाम् नाल्य त्राविथ
पान् भगवानस पुशरोवमुतये
सूर मोतये आँगन चाव ॥

सहल छुन् समसारस युनुय
माजि मालिस ज्योनुय
प्रउन्न प्यनय अनि गोठ वोथये
सूर मोतये आँगन चाव

वासनायन चठ चउ कलय
कमज़ोरन छय गछान ठोलय
प्रतिबन्धव नाल वोल्मुतये
सूर मोतये आँगन चाव

कुस ओसय तय कस आसख
भास अभास यती कासख
न्यिराशन गाश आमुतये
सूर मोतये आनगन चाव ॥

माया ज़ाल छुय काल् फन्दय
 अख अकिस सात्य प्रतिबन्दय
 कुन त कीवल हयन आमुतये
 सुर मोतये आँगन चाव ॥

छल गरीय कउरिनम कम कम छल
 पूजायि लागय ब्यल त मादल
 लोल कमलायि वन्वुन हयोतये
 सूर मोतये आँगन चाव ॥

३५.

पानय आम सु जानानय
 म्य मसतान करिथ गोम
 सु सोरुय ब बहानय
 म्य मसतान करिथ गोम ॥

तोरय ओसुम निशान्
 म्य पान्य पानय च्यतस प्योम
 सु सोरुय ब बहान
 म्य मसतान करिथ गोम ॥

धर्मीकि वर् कर्मीक बर्
 म्य घर घर नचुन प्योम
 बर त्राव यल् खस असमान
 म्य मसतान करिथ गोम ॥

सोमभ्रौवमुत म्य ओसुम पान्
 म्य दान दान तुलुन प्योम
 गोल मोह मस चोल अभिमान
 म्य मसतान करिथ गोम ॥

गाडि हन्दि पाठय हन्द्रकि दक्
 तोन्दरकि ताव अन्दर म् अछ
 न्यबर फेर बे खसमान्
 म्य मसतान करिथ गोम ॥

न्येबर फेर पननेपान्
 छुख मसतान् हसस रोज़

मस च्यथ हस करजे पान्
म्य मसतान करिथ गोम

अच्छ मुचराव वुछ पान्य पान्
रंगा रंग छु शोलान
बोज़ साज़ सेयतार वायान्
म्य मसतान करिथ गोम ॥

सोरय त्राव गछ बोज़ान्
सुय सोज़ कुस छुय वायान
पय हयथ नय छय वजान्
म्य मसतान करिथ गोम ॥

कमलायि मस थोवथम पान्
ननिवान् वनन क्याह
मत् फिरनावतम खान् खान्
म्य मसतान करिथ गोम ॥

३६.

हाय व्येस्य प्रारून छा रवा
 लोल बेमारस वन दवा
 लोल बेमार बेमार छा
 लोल बेमारस वन दवा ॥

वन् क्या तन् प्यठ सउन् गोम
 यन प्यठ नाव चीन याद प्योम
 वाव् लदस क्या करि हवा
 लोल बेमारस वन दवा ॥

फीर फीर ग्यूर आम पानसय
 नेरुन म्य ओस सत नामसय
 सुय अगम अनाम छा
 लोल बेमारस वन दवा ॥

चूरि चूरि हयथ सोदा कोरुम
 दूर दूर हयथ आलमन वुछुम
 छोनय गोस छोन्यरुक छुम तमा
 लोल बेमारस वन दवा ॥

अरहठ यच् प्योम गोम खोखुर
 रातस छन् यिवान नेन्दर
 ताफ चोल साफ गव ज्योति शमा
 लोल बेमारस वन दवा ॥

दूरि-२ सूर गोम
 कर्मफल पयतरुन कूठ प्योम

धर्मदाता च्य कर क्षमा
लोल बेमारस वन दवा ॥

साफ करतम माफ पाप पोन्थ
रोन्थ पादन वन्दहाय मोन्थ
धन्य धन्य बोलवुन रुम रुमा
लोल बेमारस वन दवा ॥

लोल आम लोल चोनुय म्य छुम
लोल् ओश वसान दारि छुम
हद रोस वज्ञान डुम डुमा
लोल बेमारस बन दवा ॥

निर्भय भय रोस थावतम
निशि कलि अमृत चावतम
हावतम गटि अन्दर शमा
लोल बेमारस वन दवा ॥

साय् कमलायि कर सर्सवती
मूक्षदाता च्यय भगवती
बोजनावतम लोल छम छमा
लोल बेमारस वन दवा ॥

३७.

लाल ललनाविथ खोनि खोनि

मनि पर हू हू

लाल् शोलनाविथ हनि हनि

मनि पर हू हू ॥

बादाम चशमव क्या वुछुम

लश् नार् जाज्यथस ओश दोदुम

पशि पशि कासतम हनि हनि

मनि पर हू हू ॥

दूर दूर ह्योतथम सूर गोम

लावि मूरे चूर् चूर् गोम

द्वोद चूर् ललवथ खोनि खोनि

मनि पर हू हू ॥

बाल्य बाल्य बाल् बु द्रायस

यचकाल्य फीरिथ आयस

काल् शहमार ज़न हनि हनि

मनि पर हू हू ॥

कर्ता अकर्ता पान सू

रुम रुम बोलान हू त हू

शिवनाव सायबान् कनि

मनि पर हू हू ॥

कथ गोख ख्यूबस ख्यूब त्राव

प्रकाश पननुय नोन च हाव

चठ ज़नजीर त्राव ब्रोन्ठ कनि
मनि पर हू हू ॥

सतचे मेचि सात्य तुल च मल
ध्यान गंगायि पान छल
निर्मल बन गटि गाश अनि
मनि पर हू हू ॥

यछखय छुया मूक्षी वर
गओर पादन प्रणाम कर
बे डर डर कास हनि हनि
मनि पर हू हू ॥

होशदार कमला क्या वनान
असरार चोन जिगरस खनान
वनि कस सूर गोस हनि हनि
मनि पर हू हू ॥

३८.

चख द्वय त्राव

सुय करुन सर्

जर्र जर्र व्यचार सीत्य

सोख मोख हावतम भास्कर ॥

मोख हावतम च्य चोपार्य

सोख सान थावतम सदा

ही घदादर् म्य चोन आसर्

जर्र जर्र व्यचार सीत्य ॥

तुज्य म्य अजताम काच्य खारी

द्रायि सारी बेवफा

अजताम कुस रूद भवसर्

जर्र जर्र व्यचार सीत्य ॥

सारिनय हुन्द च दाता

मोल मोज बन्द त भ्राता

मूक्षदाता शक्ति वरह

जर्र जर्र व्यचार सीत्य ॥

पननुय पान पान् ज्ञानुन

गउर जानस क्या वनुन

छउड लजमउच अउन्दर न्यबर्

जर्र जर्र व्यचार सीत्य ॥

त्यलि छु पोज्ञ येलि गेलि आलम

तेलि पानस दम ब दम

शेलि बनि थउन्य चानि बज़र्
ज़र् ज़र् व्यचार सीत्य ॥

मन संगलात क्रूठ युन येल
तीलक पाठय च तेल
तेल बल के छन् मात्र
ज़र् ज़र् व्यचार सत्य ॥

कस छु ताकत यियि मुकाबल
पेयि चाने डेडि तल
बलवीर चोनुय म्य आसर्
ज़र् ज़र् व्यचार सीत्य ॥

गम् मंज् करतम म्य आजाद
बोज़तम लोल फरयाद
नाद लाये शान्ती वर
ज़र ज़र व्यचार सीत्य ॥

खोचि नादान छुम म्य कालभ्रम
त्राहिमाम शरनागतम
सर्व मंगल कमलाय कर
ज़र ज़र व्यचार सात्य

३९.

क्षन क्षन व्यन्ती वनूड
 राधा कृष्ण कन् बोज़
 वन्य दिमह भिन्द्राबन्
 राधा कृष्ण कन् बोज़ ॥

यचकाल वोत प्रारान
 भव सर् हालि हरान
 नेरि क्या अफसूस ख्यन्
 राधा कृष्ण कन् बोज़ ॥

कर्म बन्धन किन्य युन
 माजि तय माउलिस ज्योन
 दोख सोख के आवलनउ
 राधा कृष्ण कन् बोज़ ॥

ह्यक् कस हाल बाउविथ
 दागदार सीन् हाउविथ
 नोन हाव शोभ दर्शन्
 राधा कृष्ण कन् बोज़ ॥

कुनुय तोर् आमुत
 कुन्यसय कुल बन्योमुत
 म्युल बनि नाम सुमरन
 राधा कृष्ण कन् बोज़ ॥

सुबहस तय शामस
 रातस त दोहस

नाद चोनय वज्रन्
राधा कृष्ण कन बोझ ॥

गव यस नाद सनिथ
रचि रचि आस बनिथ
मोकलाव यिन् गछन्
राधा कृष्ण कन बोझ ॥

यस छउनय साउरी बन्धन
साउरी न्याय अन्दन
जन्दन नार लगन्
राधा कृष्ण कन् बोझ ॥

करतम मनि आज्ञाद
बोझतम लोल फरयाद
वनउ कस कमला सनउ
राधा कृष्ण कन् बोझ ॥

४०.

म्य छम गाउमच मेचि साउत्य मेच
 ब चाने सउच प्रारान छस
 गयस हुशयार बु कमि हरकच
 बु चाने सउच प्रारान छस ॥

वुछुम म्य आशचरुक आशचर
 नज़रि किन्य ज़न यि यूगीश्वर
 गयस हुशयार बु कमि हरकउच
 बु चाने सउच प्रारान छस ॥

मुबारक गव म्य कनन
 ख्योमुत ओस म्य त्रास मनन
 छनन पुहपन बनन म्य मउच
 बु चाने सुउच प्रारान छस ॥

अन्दर मनुक मन्दर जोतन
 न्यबरकुन गाश तम्युक प्रजलन
 थंविम यल् बर दारि गय वउछ
 बु चाने सउच प्रारान छस ॥

योताम ओस म्य मनस चोन ध्यान
 तोताम गव मश्य म्य पननुय पान
 बु कस वनहा म्य क्या सना गोछ
 बु चाने सउच प्रारान छस ॥

योताम वुछान म्य क्या नयेरी सूद
 तोतामथ वोत पानय मूद

तुथय युथ गव ख्यलसय मन्ज वोछ
बु चाने सउच प्रारान छस ॥

छु पाउन्य पानय सु पोखतावन
छु ज्ञानुन दुन्या तावन
करी क्या डजमच प्रकरच
बु चाने सउच प्रारान छस ॥

नोवुय गुलजार नव्यन बागन
नउवय आवाज आबशारन
नोवुय सामान नउवय प्रकरच
बु चाने सउच प्रारान छस ॥

नउव्यन गुलेन नोवुय छु रंग
करान छी तिम नोवुय सतसंग
नउवय आवाज नउवय प्रकरच
बु चाने सउच प्रारान छस ॥

फुलय लउजमच कोहसारन
नवीय नवीय जानवर लारन
छि लारन कमिताम मार मउच
बु चाने सउच प्रारान छस ॥

नोवुय दुनिया नोवुय खानदार
करान छि पानवउन्य मिलचार
वुछिथ राजदान कमला मउच
बु चाने सउच प्रारान छस ॥

४१.

म्य कोरमुत छुम च्य अरपन पान
 च थावतम जान पननीय मे
 बु लागय पोशि कनि मन प्राण
 च थावतम ज्ञान पननीय मे ॥

बु आयस पन्य पानय योर
 म्य मा ओस काउन्सि हुन्दुय ज़ोर
 म्य छुम पथ ब्रोन्ठ कुनुय भगवान
 च थावतम ज्ञान पननीय म्ये ॥

ब कस वन् सीर च्ये बावय
 म्य प्येमिit नील दाग हावय
 च त्राव अमृत ब छल मन प्राण
 च थावतम ज्ञान पननीय म्ये ॥

रतस माज़स जन लजिम रेह
 साये आउसम ज़न्मुच्य म्ये
 छय कथ प्यठ करनी मान मान
 च थावतम ज्ञान पननीय म्ये ॥

न छस काउन्सि हन्ज़ न कान्ह म्य छुम
 फकत आशा म्य चाउनी छम
 म्य छुम परछयोन गोमुत कुन पान
 च थावतम ज्ञान पननीय म्ये ॥

अकल आउसम स्यठाह पानस
 गछान छुम दम वुछिथ आमस

यिवान छिम ब्रोन्ठ खोचनावान
च थावतम ज्ञान पननीय म्ये ॥

पज़ी पाउठय छुम म्य कुनुय पान
बु लारय पत् च तोशान
म्य छुम यच लोल म्य खाउरहम हान
च थावतम ज्ञान पननीय म्ये ॥

गफलच किन्य गयस बरबाद
म्य मा ओस महिमा चोनयाद
गोनव खोत् छुय गोनातीत जान
च थावतम ज्ञान पननीय म्ये ॥

वोथुन गछि सुलि प्रभातन
छु अभिज्यथ साथ अमिसातन
थवुन गछि तन् मन् शिव ध्यान
च थावतम ज्ञान पननीय म्ये ॥

बंजर छुय शिव पूजाये
करी अनुग्रह सु हर जाये
रटस दामन आलवस प्राण
च थावतम ज्ञान पननीय म्ये ॥

बु वन्य पज्य पाउठय गयस बदनाम
च थावतम सायि ही गणशायाम
च्य अवतार च्यय भगवान
च थावतम ज्ञान पननीय म्ये ॥

करय आराधना बुय च्ये
 च थावतम गोश नादन म्ये
 गमित दीश न्यबर प्यव मान
 च थावतम ज्ञान पननीय म्ये ॥

छय कमला यच करान ज्ञाउरी
 च तारतम तार् ह्य्य साउरी
 च नय यिख योर मटि छुय पान
 च थावतम ज्ञान पननीय म्ये ॥

४२.

कमि वन् अन् ब्यल मादलय
 पूजायि शिवस लागसय
 चाउरय चाउरय थवय ही मसवलय
 पूजायि शिवस लागसय ॥

ओश वोथ म्य अछन अउछनय
 पश भाव मश्यराउविथ वनय
 आरस मन्ज फौलि आरवलय
 पूजायि शिवस लागसय ॥

ओगुन दोगनाव वर म्य दिम
 ह्य्कखय पानस साउत्थ थावुम
 वातनावतम नाव यार्बलय
 पुजायि शिवस लागसय ॥

लोकचारस वजिस मुह भ्रमन
 ज्ञानन् रुसतय बुय आसन
 डुल् त्राउवनस भव आवलनय
 पूजायि शिवस लागसय ॥

मन म्योन मद होस कति शमन
 मायायि मन्ज मस बेयि भ्रमन
 काल यिन् वलि मन्ज जालसय
 पुजायि शिवस लागसय ॥

जोश येलि वोथुम होशस प्येयस
 समसारस मन्ज वन् ब कस

या बोझि पानय सु कीवलय
पूजायि शिवस लागसय ॥

व्याद याम चजिम प्रमाद गजिम
साधनाये मन्ज समाद लजिम
दक् ज़द मोकल्यूव दक् तलय
पूजायि शिवस लागसय ॥

कमि रंग् कम पोश लाग च्ये
भवसागरस मन्ज छुम न केन्ह
बस छुम नाव चोन कीवलय
पूजायि शिवस लागसय ॥

कमला कमि मानहँ शानय
तारवुन तार दी पानय
तार दितम पननीय यारबालय
पूजायि शिवस लागसय ॥

४३.

ओम नमो भगवती वासुदेवाये
परान आयि शरन भगवान
नमः शिवाय नमः शिवाय
परान आयि शरन भगवान ॥

कोता काल गव यन् तति द्राये
प्रालबदुक बार कोता क्रूठ
वति छैन्य प्रतिबन्द बेयि कामनाये
परान आयि शरन भगवान ॥

अन्न ओस सूज़मुत अनपूर्णाये
खय्न् बापत तन्ना कउरनस न ज्ञान्ह
वति वुछय म्य कम कम धर्म सभाये
परान आयि शरन भगवान ॥

पूजा करहा प्रेम् त माये
खोर मुरनस वथ आयम न ज्ञान्ह
नाहक् बदनाम मन्ज़ प्रजाये
परान आयि शरन भगवान ॥

वाउन्सा वोतुम बार सारान
तार कुनि लोबुम न प्रारान छस
जय जय कार तस महामायाये
परान आयि शरन भगवान ॥

शरन गछिथ सपुद म्य यि हाल
कोताह काल गव स्यठाह यचकाल

वुछ हैरानई बजि बारगाहे

परान आयि शरन भगवान ॥

प्राउन्य छिन् कुनि तय नव्य नव्य ज़ाये

मोख बदलाउविथ आये योर

रज़ लमनस छख बजि वासनाये

परान आयि शरन भगवान ॥

यि क्या सना हाल वुन्य क्यन

बु क्या वनय चे वुछन निरंजन

गाह पाठ पूजा गाह धारनाये

परान आएयि शरन भगवान ॥

कति पर् पाठ बो बेयि पूजाकर्

घर ओस न कुनि तय बे घर गोस

कर्म फल बाउगरान हर कुनि जाये

परान आयि शरन भगवान ॥

माया काल छुय ज़ाल वाहराउविथ

स्यठा आउव्युल जाउव्युल त्राउविथ

न्यनदउर म पावुख रछ प्रज़ाये

परान आयि शरन भगवन ॥

बु कस वन् वनय म्य क्या हाल गव

म्य मां बरोसय बरोस् निशि प्यव

छि चन्द छैन्य भान्दव वुछने आये

परान आयि शरन भगवान ॥

वुछिथ आशचर लजिम थर् थर्
सर्व व्यापक च छुख जर् जर्
पोशि कनि मन प्राण लोग कमलाये
परान आयि शरन भगवान ॥

४४.

बूझमुत पथ कालि ओसुम
 दौर अवतार रामनय
 रोनि ज्ञान छोन्य चवापोर
 दौर अवतार रामनय ॥

राज् दशरथ तस मनन वोन
 गछ वनन प्रउछ सत रश्रयन
 सत रश्रयन आसन सतुक ज़ोर
 दौर अवतार रामनय ॥

राज् दशरथ वोत वनस
 वासना असउस मनस
 गछि म्य सन्तान आस तवय योर
 दौर अवतार रामनय ॥

गव सतरश्रयन निश राज् दशरथ
 तफ त ज़फ ओस करान
 छुम् न सन्तान छुस ब कमज़ोर
 दौर अवतार रामनय

वोनस रैय्शाओं राज् कन थव
 सावदान मन् किन्य च बोज़
 अख वनान छुख आसनय चौर
 दौर अवतार रामनय ॥

नाव तिमन छुय
 राम लछमन बेयि भरत शत्रुगण

राज तम्य सुन्द आसि चवापउर
दौर अवतार रामनय ॥

राज कन थव राम येमिस नाव
रम्बवुन शीतल स्वभाव
दोख तस आसि तुलुन बोर
दौर अवतार रामनय ॥

घरि नेरी राम लक्ष्मन
सीउत्य आऐस्यख जानकी
कायि गडिथ बुरज् नन्वोर
दौर अवतार रामनय ॥

कूर आसी राज् जनकन्य
चूरी तस रावुन नये
वातनाव्यस समन्दर अपौर
दौर अवतार रामनय ॥

छारनय तस राम लक्ष्मन
वातनय अशोक वन
डास करिथ लंकायि यिन योर
दौर अवतार रामनय ॥

ज्यूठ छुय समसार सउदर
कूठ स्यठा चोन मोदुर
सन्त कलनदरव ति यति होर
दौर अवतार रामनय ॥

दारि अवतार पान् भगवान्
 राज् दशरत भाग्यवान्
 जय जय कार तस चवापोर
 दौर अवतार रामनय ॥

राम रूपय श्याम सोन्दर
 पूज तस छैय जगि अन्दर
 वालि योग् योग् भूमि हुन्द बोर
 दौर अवतार रामनय ॥

भ्रम छु समसार कास मनि दुय
 बास प्रकाश चवापोर
 मुचराव पनन्यव अथव तौर
 दौर अवतार रामनय ॥

कन दिथ कमला छि बोज़न
 मन परान छुस हू त हू
 पोज़ बोज़ ओमन तुलुम शोर
 दौर अवतार रामनय ॥

४५.

च योदवय करख अनुग्रह जायि जाये
अगर म्योन बोजख परख त्राहि त्राहे ॥

खोतुम क्या तकसीर ह्योतुम नाव चोनुय
करूम च नज़र म्य छुम भक्ति भावय
म्य करमस स्यज़र कर पनने यछाये
अगर म्योन बोजख परख त्राहि त्राहे ॥

फुलय छि लज्यमउच नव्यन गुलिसतानन
कोह सारन बेयि बियाबानन
तवय वुछ म्य लारान प्रेम त् माये
अगर म्योन बोजख परख त्राहि त्राहे ॥

नवयी वुछ म्य लारन नव्यन गुलज़ारन
नोवुय छु बुलबुल नव्यन आबशारन
छि गाउमच यमबुरज्वल भमभुरनि माये
अगर म्योन बोजख परख त्राहि त्राहे ॥

दिवान नाल् पोशनूल न्यथ प्रभातन
परान सूहम सू अपज्यथ सातन
गोमुत यउच मसरूर बे परवाये
अगर म्योन बोजख परख त्राहि त्राहे ॥

खउटिथ कति रोज़य चटिथ जाम् नेरय
नेरय चवापोर वत् बो शेरय
छु फेरवुन मारकन शान्ति सबायऐं
अगर म्योन बोजख परख त्राहि त्राहे ॥

अजाइब दिललावरस छुन् कान्सि हुन्द डर
बन्योमुत सु बे डर चोलुस जर ज़र ज़र
अनि गट नोन भास्कर प्रजाये
अगर म्योन बोजख परख त्राहि त्राहे ॥

छु गोमुत संगिदिल ज़न संगि फारस
वुछुन गछि प्रकरच बेयि शीतउ ज़ारस
हिवुय तस बहार तय वन्द जाय जाये
अगर म्योन बोजख परख त्राहि त्राहे ॥

वुफवुन हमसा कोर कम्यताम् बन्द
स्यठा सोन कर्मज़ाल तथ मंज़ गोमुत बन्द
सु बोड वीर रउटय तम्य तीर हर शाये
अगर म्योन बोजख परख त्राहि त्राहि ॥

सनिथ गव म्य सोरुय वनिथ हयोक न कान्से
करान असतोति छस नमह शिवांये
अगर म्योन बोजख परख त्राहि त्राहि ॥

फुलय लज्य गुलन बुलबुल छि तोशन
रंगा रंग जानवर छी मन्ज गोशन
मशिथ गव सोरुय मस्ती आये
अगर म्योन बोजख परख त्राहि त्राहे ॥

करख योद क्षमा च्य तमाह नेरि सोरुयं
मगर नख् वालुन छु कर्म बोरुय
तिथुय पेयि शान्त शबनम हर जाये
अगर म्योन बोजख परख त्राहि त्राहे

सनी कुस वनी कुस बनी कस यि ताकथ
छु सोरुय त्राउविथ ख्यथ च्यथ जहालत
गंडित गुल्य कउरय अस्तुति कमलाये
अगर म्योन बोजख परख त्राहि त्राहे

४६.

पोशव कनि वोथ कनि बारानय
 ताज़ अफसानय बोज़
 होश् रोज़ वार् बोज़ क्या छु वनानय
 ताज़ अफसानय बोज़ ॥

जान क्या छु शूबवुन शाह जहानय
 वुछवुन पानय ओस
 कर्मनि रजउ कम छि वुछानय
 ताज़ु अफसानय बोज़ ॥

अवलय वन क्या ओबरकि बहानय
 खस्वनि ही प्यव डोन्ठ
 बेय सोन्त कालुक बहार वुछानय
 ताज़ अफसानय बोज़ ॥

फीर फीर आलमस गयूर यिवानय
 गिरदाबस मन्ज़ गोस
 नोज़ुक आउसिथ गोस गज़बानय
 ताज़ अफसानय बोज़ ॥

लोकटुय आउसिथ हत् वुहुर पानय
 सोरि सामानय ओस
 गाट आउसिथ ख्योन इबरथ पानय
 ताज़ अफसानय बोज़ ॥

इबरथ ख्यथ छुन् केन्ह वनानय
 प्यतरुन पानस प्योस

लश् नार ओश द्वोद छुन् वसानय
ताज् अफसानय बोझ ॥

दूरी कम तस तीर लायानय
सीरन छी सर पोश
कउरनय खामोश ज्ञन मन्दछानय
ताज् अफसानय बोझ ॥

वतनय प्यठ छुय सोरि सामानय
कथनय कउरनय होश
सउदरउच लउदरमाल दूरि चमकानय
ताज् अफसानय बोझ ॥

कमला वन्य कस वन्य देवानय
सउनय पाउनय पानय गोस
गोस गम मउशरिथ पान पुशरानय
ताज् अफसानय बोझ ॥

४७.

मय मान औसुय चय मान नुथम
 चउ हाव पउनुनय कमाल भगवन
 मय मान पउनुनय पउथर त्रौवुम
 चउ रछ मय पानय धयाल भगवन ॥

बुउ कम पौश वउनय चेय पूज्य लागय
 मय छम नउ सामरथ बउ कउति जागय
 मय मानउ अपिमानउ हयउरय गौमुत छुम
 चउ धमि पनउन बौदि खयाल भगवन ॥

बुउ चानि बापथ फिरार गउमच
 करार रोवुम वनय बुउ कस वौनय
 मय त्रौव सोरुय चय पतउ नयेरय
 बुउ फेरउ जगलन वनन भगवन ॥

चउ रोज सौनउमौख बुउ धयान दरहा
 बुउ पूज करहा बुउ नाव सौरउहा
 मय आव बउन बउन मय छुम न बरदाश
 मय दिम यादाश पनुन भगवन ॥

मलाल औसुम गौमुत मनस मंज
 चउ सालउ अनउहाथ वनय बुउ सौरुय
 चउ बर यलउ त्राव बुउ वुछी पानय
 अदउ दउयवउ यी में करार भगवन ॥

बुउ वउनय दिमउहाय चेय हनि हनि
 मलाल क्या गौय रटथ मनस मंउज

बुउ चानी बापथ फिरार गउमिच
करार अनतम चउ पानउ भगवन ॥

वनुन मय क्या छुम सयठा काल गव
वनिउथय न हयकान यउ क्या हाल गव
गउनडिथ गुल चउ शर्ण आमउच
परन पेमउच छउ पानउ भगवन ॥

यिउ दम हटऊवय मां छु ज़ाह ति रोजान
चउ बोज पनुनय मउ रोज परेशान
तवय कमला करान छउ छौपउदम
चउ कास भयउ भरम शर्ण भगवन ॥

४८.

क्या सना अद बोझिना दय
 पय मनस म्य त्राविहे
 लय करिहे मन त प्राणाय
 दय सौ दय गथ हाविहे ॥

कर्म कुल्यनय हेल्य छि द्रामित्य
 डल छि आमत्य बउरि बउरि
 खलसय मन्ज समबूरविथ
 ख्यन् रुस मा त्राविहे ॥

हसती निश प्येमच दूर
 पूर मस म्य चावतम
 सोखतु गोमुत छुम गोमुत सूर
 दूर पनुन अलराविहे ॥

रोन्य छोन्य छोन्य बुज्यथय दन्य
 पादि कमलन वन्दय ब मोन्य
 नजर दिवान सन्य बोगन्य छस
 नन्य पाउठय मोख हाविहे ॥

अशि कनि छस खून हारान
 लशि नारन जउज्यनस
 पशि पशि छुम कर म्य कास्यम
 पोझ अपुझ ननिराविहे ॥

कर्म दर्मुक ब्योल म्य वोवमुत
 शान्त शबनम त्रावतम

ज़ाहरस अमृत बनावतम
गोस गम मशराविहे ॥

चे शरन कमला छि आमच
घरि द्रामच छय न्यबर
बा खबर च्य वथ हावुस
मोह जनजीर् फुटराविहे ॥

४९.

म्य कउरमय राउत्य रातस वील् जाउरी हा दयो
मन परेशान छुम गोमुत बे कराउरी हा दयो ॥

छुम न ताकत कान्सि वनहा क्या सना मतलब म्य छुम
यस न वननस वार आसी दिल आजउरी हा दयो ॥

रात्र दयन रोज़ हुशयार कथ करनस छुम न वार
दम् दम् दम गछि नीरिथ दम शुमारी हा दयो ॥

छस बु दाउसी वोदाउसी क्याज़ि ब्राहम बेवफा
चानि बापत म्य त्रउव सउरी जान निसाउरी हा दयो ॥

ह्यरि प्याउमच असमानय प्यठ जमीनस तार दिम
छस बु प्रारन करी याउरी ऊपकाउरी हा दयो ॥

कथ म्याउनी यिन् मशरावख कथनय गछउ दाद दुउन
वाद् वाद मन्ज़ क्या छु नेरान ईनतिज़उरी हा दयो ॥

मअयत ख्यालन मन्ज़ छि कमला लोति २ आलव दिवान
ओश वसान ददरायि कासुम बेमाउरी हा दयो ॥

५०.

म्य कउरयमय लोलसय गोन्दी
 बु लागय सोन् संधी पोश
 म्य बूज़िम नाद निर द्वन्दी
 बु लागय सोन् संधी पोश ॥

बु जामन चाख कउरिथ नेरय
 बु रातस च्यय साउत्य फेरय
 म्य कउरमय कोसमन गोन्दी
 बु लागाय सोन संधी पोश ॥

नयसब रातस गयस बेदार
 वज़ान छुय साज़ बेयि सेतार
 छु प्रणवस तार् अउन्दी अउन्दी
 बु लागाय सोन संधी पोश ॥

सूहम सदरस दिथ दम
 गोलुम हम चोलुम भ्रम
 वथ छय मंज नाद ब्यन्दी
 बु लागाय सोन संधी पोश ॥

रंगा रंग नजार वुछ
 ओमकार ब्यन्द आकार वुछ
 तारागण छु अउन्द अउन्दी
 बु लागाय सोन संधी पोश ॥

पख नेर त म् कर चेर
 सन्कल्प करनय गेर

आवलउनि मन्ज भव सेन्दी

बु लागाय सोन संधी पोश ॥

होशदार होश करिथ खस

मस चथ यिन् डली हय्स

चनय चरसी त भन्गी

बु लागाय सोन संधी पोश ॥

फना गछ फना छाव

न्यरमलस मंज छि नाव

तरनस छय द्रंगी

बु लागाय सोन संधी पोश ॥

नखि बार हेय हेय साउरी

वासनाय रज चाउरय चाउरी

कर्म धर्मच पाबन्दी

बु लागाय सोन संधी पोश ॥

छनीय नाव लउजिम दरह

ब क्या कर् तर् अपोर

मन्ज भवसर् गय गन्दी

बु लागाय सोन संधी पोश ॥

त्र गुण नाउमी अपोर तार

छुखय यार कर याउरी

गुलन ख्वार अउन्द अउन्दी

बु लागाय सोन संधी पोश ॥

मायायि मन्त्र गाउमित्य मस

यस बु तस च्यतस पाव

मोकलाव मन्त्र काल् फन्दी

बु लागाय सोन संधी पोश ॥

प्राण अपान दजिथ बोझ

वजान छुय सूहम सोझ

सुय सोझ छुय च्य अउन्द अउन्दी

बु लागाय सोन संधी पोश ॥

कमला सत् दामस खस

तती बस योर म वस

पूर मस हुत म्य निरद्वन्दी

बु लागाय सोन संधी पोश ॥

५१.

म्य छमना लोल् चानि बोछि
 ललवथ गछ कुठय सय मन्ज
 अउछन द्वोन मन्ज करय रछि
 ललवथ गछ कुठयसय मन्ज ॥

वनय क्या लोल कूत ओसुम
 दपन सुय होल म्ये कोसुम
 शरण रूज्य रूज्य चजम मनि मछि
 ललवथ गछ कुठयसय मन्ज ॥

शरण रूजिथ परन प्यमहा
 अशिवानि साउत्य गुड दिमहा
 चल्यम समशय गल्यम अद बोछ
 ललवथ गछ कुठयसय मन्ज ॥

ब करहय लोल् होत च्ये नाद
 ब छलहय न्यथ चाउनी पाद
 च करतम नाद चलन वछ् वछ्
 ललवथ गछ कुठयसय मन्ज ॥

छय कमला मउच मसतानय
 पज्जी पाउठय च्यय म्य जानानय
 च कासतम तृष्णा बोछि
 ललवथ गछ कुठयसय मन्ज ॥

५२.

यिम आयि शमन शमन
 सु गोम कमन निशे
 यिम गंजरावान दमन
 सु गोम कमन निशे ॥

वोन दुत म्य बिन्द्राबनस
 पय ह्योत म्य कुल्य पनस
 सुय पन आमुत चमन
 सु गोम कमन निशे ॥

चोपार्य वुछिम मै चिय
 पानस गयम म्यचय
 छस चानि शरय शमन
 सु गोम कमन निशे ॥

जमनायि बउठय बउठय नीरिथ
 साउरसय आयस फीरिथ
 तोति छुमन लोल नार हमन
 सु गोम कमन निशे ॥

हाउरथ वुछित हाउरान
 गयस वुछुम पनुन पान
 मस गव वोन्य छुन भ्रमन
 सु गोम कमन निशे ॥

लोकचार म्य गोम ज्ञाये
 वउजनस कमिताम माये

सुय नार वुनि छुन हमन
सु गोम कमन निशे ॥

हनि हनि सउन्य त वोगन्य
रचि रचि दितमय वनीय
वुछि कुस लोल् ज़म ज़मन
सु गोम कमन निशे ॥

वुछ भव सागर वोपकार
रचि रचि हयोतुन सुय नार
सुय छुय कर सना हमन
सु गोम कमन निशे ॥

कमला छि दम दिथ वनान
सुय नाद म्य गोम कनन
बूज्य बूज्य ती छि वनन
सु गोम कमन निशे ॥

५३.

स्योदुय आयसय स्योदुय थावतम
 च कासतम भ्रम जमानस मन्त्र
 गछान छुम बूज्य बूज्य छोप् दम
 च कासतम भ्रम जमानस मन्त्र ॥

ब फेरय मन्द्रह अउन्दि अउन्दी
 च्य लागय भाव पोश गोन्दी
 गछान वुजमल तेज मदहम
 च कासतम भ्रम जमानस मन्त्र ॥

म्य बूजमं मन्दर ची आरती
 च्य छुख जगि हुन्द पार्थीश्वर
 ब मंगउ वरदान जगत छोप् दम
 च कासतम भ्रम जमानस मन्त्र ॥

वन् कस लोलकुय फरयाद
 करयमं सुय गम् मन्त्र आज्ञाद
 दिमय नाद लोल् होत आसतम
 च कासतम भ्रम जमानस मन्त्र ॥

ब लागय लोलकीय पमपोश
 च थावतम दम दम म्य होश
 फोलन पोश त्राव शान्त शभनम
 च कासतम भ्रम जमानस मन्त्र ॥

छय कमला लोल च्य छारान
प्रभातन च्य साउत्य आसान
च रोज़तम साउत्तं म्य हमदम
च कासतम भ्रम जमानस मन्ज़ ॥

५४.

म्य छुम आमुत चोनुय लोल
 स्यठा यचकोल प्रारान छस
 पज्य पाउठय छुम सु मोज त मोल
 स्यठा यचकोल प्रारान छस ॥

दिवान छस वउन्य चवापार्य
 म्य त्रोव छाउरय छाउरय साउरसय
 म्य बासतम नोन त कासतम होल
 स्यठा यचकोल प्रारान छस ॥

म्य दोरुम बाल भावय ध्यान
 ति ज्ञान्यम दय त पननुय पान
 कथ बुज्य बूज्य दिवान कनि डोल
 स्यठा यचकोल प्रारान छस ॥

मनस मंज स्वरान ब राम
 अउछव साउत्य वुछ म्य पननुय पान
 समय छा कान्सि रोज्ञान वोल
 स्यठा यचकोल प्रारान छस ॥

हावि ना म्य सुय दर्शुन
 ब करहा पोशनय वर्शुन
 अगर आसि पानह बोज्ञन वोल
 स्यठा यचकोल प्रारान छस ॥

दपान राधा छि कृष्णस कुन
 चे त्रविथ सरि राह ब्योन ब्योन
 च सारिनय बोय बन्द तय मोल
 स्यठा यचकोल प्रारान छस ॥

ब छस वन्य आमउच फटनस
 न छुम म्य होश न छुम हस
 गयस मस गोमुत छुम म्य होल
 स्यठा यचकोल प्रारान छस ॥

वुछिथ हाउरथ म्य होरुम
 खबर क्या कंउम म्य रथि खोरुम
 तवय किन्य छुम गनान म्य लोल
 स्यठा यचकोल प्रारान छस ॥

म्य वोत वुछान कोताह काल
 यियम कर योर सु बाल् गूपाल
 कमिस कमलायि आमुत लोल
 स्यठा यचकोल प्रारान छस ॥

५५.

अस् ना व्यसिये रस् रस् मस चोम
 असनाउवनस यचकाउललिये
 हय्स व्यसराउवनस रुम रुम व्यसरयोम
 असनाउवनस यचकाउललिये ॥

सेकि शाटस मन्ज दुरदान छानजोम
 दुर दुर वनान दुरदानय अथि आम
 खाउरय हय वउथिम पातउलिये
 असनाउवनस यचकाउललिये ॥

ओम ओम बूजुम रुम रुम व्यसरयोम
 डुम डुम गोम चोपाउरिये
 अपाउरय यपाउरय चोपाउरय सु पानय
 सुय दुरदान म्य नाउलिये
 असनउवनस यचकालिये ॥

कोहन त बालन आयस फीरिथ
 लालन करिथ शुमाउरिये
 तति क्या लाल लवि यति लाल पानय
 तालन प्यठ दमाउलिये
 असनउवनस यचकालिये ॥

वदन वदन दोदुम बदन
 वुछुम गयस वोबाउलिये
 असनउवनस यचकालिये ॥

केन्ह जाम् दउदय केन्ह रूदय खाउली
 केन्ह आम् तावन ज़ाउलिये
 असनउवनस यचकालिये ॥

पामन लाउजयनस छस साउत्य खामन
 जामन गयम परगाउलिये
 असनउवनस यचकालिये ॥

दुई जाम् दउदिम गयस न्यथननी
 वन्य नाय केन्ह छुम नाउलिये
 सादन संतन हुध कोर म्य दर्शुन
 शहर् गाम् ज़ोम पटयालाये ॥

कमला गंगायि गयायि फीरिथ
 सतगवर सउन्ज हय्थ चाउलिये ॥

५६.

मलया कोफूर बेयि ज्योति चंदन
नंदन मालय कर
न्यरगुण न्यरलीफ बेयि न्यरबन्दन
नंदन मालय कर ॥

मउच छस गामउच ज़न बो फलवाह
गेलान छुम आलम
नाल् बो रटथो कल् छस ब् वंदन
नंदन मालय कर ॥

छोन्य छोन्य रोनि नय हुन्द गोम कनन
वनन ह्योत म्य पय
लय गव मन प्राण कउर न्यरब्धनदन
नंदन मालय कर ॥

पोशि कनि लागिस न्यथर पूजे
वुजे शिव शंभू
बोल शिव शंभू मलयो चन्दन
नंदन मालय, कर ॥

मूर्ख बोज़ किन्य गोम लोकचार नीरिथ
फीरिथ युन द्वोरलब
कोह आव सोरान द्वोह आव अनदन
नंदन मालय कर ॥

येम्य वारागक्य जाम छुन्य नाली
 कर्म धर्म निशि खाली
 तम्य पाउन्य पानय नार दुत जंदन
 नंदन मालय कर ॥

सतग्वर दीवन सिर म्य बोवहम
 नन्य पाठय होवहम वथ
 जान पान वन्दयो चरनारब्धनदन
 नंदन मालय कर ॥

फुलया लज्यमो कोसम बागस
 नाग् रादस वुज्जि पोन्थ
 दान् दान् गाज्यनस केन्ह छुमन अंदन
 नंदन मालय कर ॥

गछ बा फन्हक्य जाम छुन नॉल्यी
 वॉलयी छु सूहम सू
 तेलि चिल समंशय बेयि प्रतिबंदन
 नंदन मालय कर ॥

शशि कलि गलि गलि चॉवनस साकय
 बाकय फाज़िल क्या
 अन कर फलि फलि चलि भव् बंदन
 नंदन मालय, कर ॥

शिनि छटि अनि गटि वति यिन् रावख
 प्रावख शिवशंभू
 राय रोस सुय तरि यस न्याय अंदन
 नंदन मालय कर ॥

बाहन बुरजन खस तती बस
हय्स निशि गव बे हस
मस कउर कमला ओमकार बंयनदन
नंदन मालय कर ॥

५७.

ज्योन मरुन मश्यराविथ कोरम्य घर घर
 हर हर त्राहे माम
 युन गछुन मश्यराविथ कोर में घर घर
 हर हर त्राहे माम ॥

पजिहे न नेरुन म्य पनने घरि
 संकलपव तुल वाव
 संकलपन विकलपन हुंधय असर्
 हर हर त्राहे माम ॥

अन्दरी चायस अन्दरी अंदर
 घर म्योन कथ छुय नाव
 वाव चललि तेलि येलि यियिकृष्ण गंदरह
 हर हर त्राहे माम ॥

लोकचार सुरुम यावुन गोम बर्
 तावनुनय छु बाज़ार
 यिय वुछ वुछ गयस अन्दरी व्यसमर
 हर हर त्राहे माम ॥

गछ शरन ईश्वरस सुय छुय सातग्वर्
 सुय दियि भव्सर् तार
 युन ओस कृष्णस आव कमसासर्
 हर हर त्राहे माम ॥

कृष्ण ओस बोलान अन्दर न्यबर
 राक्षसऔव वोलहस नाल
 बोड बार् योद लोग नोन द्राव गद्याधर्
 हर हर त्राहे माम ॥

पोज़ ओस येलि यियि सुय शाम सोन्दर
 गट् रोज़यस्र न हवाव
 शीव् शीव् बोलान पान् शिव शंकर
 हर हर त्राहे माम ॥

आबशार बोलान छिय शिव शंकर
 हर हर चे कर पूज
 पूजा बूज़िथ वस्य पेयि परउ परउ
 हर हर त्राहे माम ॥

लोल पोश लागस पूजा कस कर
 बस छुय सूहम सू
 ओम शिव शंभु अगम अपरह
 हर हर त्राहे माम ॥

छोप् दम करम्य शिनि हकि बाज़र्
 वज़ान छुम हू हू
 शिनि छटि अनि गटि मन्ज़ बो क्या कर
 हर हर त्राहे माम ॥

तति बो अउनिनस तावनुन छु बाज़र
 यति लोगुन बाअज्यगार
 बाज़रस गाट् प्यव स्यीत छुमन् अखज़र
 हर हर त्राहे माम ॥

सर् गव कमलायि सौरुय भवसर
हर हर अनुग्रह कर
पर शिव शंभू सुय सोन सतग्वर्
हर हर त्राहे माम ॥

५८.

सतग्वर वुछ म्य चलवुनये
 वलय व्येस्य अस्य दिमहोस वोनये
 यियना हालि दिल बावस
 सर पादन तल त्रावस
 बावस हाल पनुनये
 वलय व्येस्य अस्यदिमहोस वोनये ॥

सुय हय म्योन मूक्षी दाता
 मोल मोज बंद तय भ्राता
 दाता सुय हय छुम रम्मबुनये
 वलय व्येस्य ।अस्यदिमहोस वोनये ॥

नालल वोलनम लोकचारन वखतउक शाहमार
 काल् जाल सुय छु चटवुनये
 वलय व्येस्य अस्य दिमहोस वोनये ॥

पूज़ि पमपोश च्यय लागय
 तति बो न्यति नीम् ज़ागय
 वति मानसर छु सनि सोनये
 वलय व्येस्य अस्य दिमहोस वोनये ॥

सु हय न्यरगोण न्यरलीफय
 गटि मंज् प्रज़लान दीफय
 रूप तम्यसुन्द छु अस वुनये
 वलय व्येस्य अस्य दिमहोस वोनये ॥

कोसतब मन छुस नाली
 शूश्वुन कनन कन् वाली
 बालल् गूपाल अस् वुनये
 वलय व्यस्य अस्य दिमहोस वोनये ॥

रुम रुम सुय बो लल् नावन
 मोनि फलिनय मन्ज बोथावन
 रोनि गन्डि गन्डि हय नचवुनये
 वलय व्यस्य अस्य दिमहोस वोनये ॥

गम रोस तस नाय गमयी
 प्राविथ शान्ती शमयी
 ताजदार सरकार सोनये
 वलय व्यस्य अस्य दिमहोस वोनये ॥

झान चे जौयि छस जारी
 बउरय बउरय अमृत नारी
 कन दउरय दउरय बोजवुनये
 वलय व्यस्य अस्य दिमहोस वोनये ॥

पर लोलय गूव्यन्द गू
 बूल्य तोरची सू हम सू
 ओम शिव शंभू पर वुनये
 वलय व्यस्य अस्य दिमहोस वोनये ॥

थफ कर गूव्यन्द नावस
 सत किस सत स्वभावस
 हवस बस म्य छुम चोनये
 वलय व्यस्य अस्य दिमहोस वोनये ॥

कमलायि यितुय छु हवस
अन्दिरम सीर कस बावस
तीर आम सनि खोत् सोनये
वलय व्येस्य अस्य दिमहोस वोनये ॥

५९.

ख्यन् ख्यन् व्यन् तुलसी
 ईश्वर पूजि लागय
 रंग रंग कोसम ही
 सतग्वर शेरि लागय ॥

रातस रोज़ बेदार
 छिय वजान सूहम तार
 ग्वर सय कर ज़ार् पार
 डेडि तल तस बो ज़ागय ॥

आरतिस अर्सर् कास
 दासन हुन्द छुय दास
 छुस गोमुत च्यथ वोदास
 च्यत् पमपोश लागय ॥

धर्मस पथ म्य वोनमय
 कर्मस मत् वुछतम
 वर दिम लोल् मस चोन
 प्याल हयथ कति जागय ॥

बाव छुय चोनुय मेय
 वाव कास स्यीत स्यीत बेह
 दाग छुम जिगरस म्ये
 जाग हयथ कति ज़ागय ॥

दोख दोउद गोम सनिथ
 होक ना म्य काँसि वनिथ
 सहल छा युन बनिथ
 ननिथ कथ ज़ायि ज़ागय ॥

बाल् बावस नोन गोम
 अन्दकारुक ओन प्योम
 बुजरस ओन म्य कासुम
 बजरचि जायि ज़ागय ॥

क्रूठ कोताह चालुन
 लेन देन मोकलावुन
 नख् प्यठ बार वालुन
 वनसह कमि तारह ज़ागय ॥

दोहस करान कारोबार
 रोज़ान शब बेदार
 बोज़ान सूहम् तार
 थदि दरबार् ज़ागय ॥

अज़ ज़पा ज़फ म्य करनाव
 सूहम सू प्रनाव
 अद् तरि भक्सर नाव
 ग्राव न सह रोज़ि ज़ागय ॥

हयसउ रोज़ हयस म् रावुस
 पान च्यय पुशारावुस

कमला नाव छुय मयोन
दम् दम चे बो ज़ागय
ख्यन् ख्यन् व्यन् तुलसी
ईशवर पूजि लागय ॥

६०.

गव कृष्ण मेंय चूरे चूरे
दित मेय दूरे वउनय वतन
तेली छू पोज़ येलि कउर्म पूरे
दित मेय दूरे वउनय वतन ॥

तन प्येठ आज़ ताम न खबरे
लावय भभरे रंग डोलुम
गोव ज़जूर म्य लावय मूरे
दित मेय दूरे वउनय वतन ॥

वोद्ध मेय कोताह ओश त्रोवुम
लशय नारन कोर मय सूर
पान ज़ोलनम ताप तअरे
दित मेय दूरे वउनय वतन ॥

फर्श मख्मल वथरावय
प्राण पनुन आलवय ब चउय
तेलि छू पौज़ येलि वाति यूरे
दित मेय दूरे वउनय वतन ॥

सूलि वउथ-वउथ ध्यान धउरय धउरय
मानहानि गय मेय कअच
कम वुछान असय चूरी चूरे
दित मेय दूरे वउनय वतन ॥

कर्म ज़ालय कयाह छु अवूयल
पयव मेय ज़वयूल सुय कतुन

वयछनउविथ कोत मय चूरे
दित मेय दूरे वउनय वतन ॥

पअनय पानय अबसविथ
थोव मय त्रविथ वोवरिस
द्राय कम तोस पोबूरे
दित मेय दूरे वउनय वतन ॥

जाम चटिथ नेरहा ब
फेराह ब पथ वनन
यस दिवान तस तेलि पूरे
दित मेय दूरे वउनय वतन ॥

गोसउ मा गोस पोछ ज़ोलनम
तोसउ वथरस ब वतन
लोसनवनस दूरी दूरे
दित मेय दूरे वउनय वतन ॥

वनहा तस कयाह सना गोस
करसना ओस सु मेय सीथ
बअय मशीथ गोस सुय छु नीरे
दित मेय दूरे वउनय वतन ॥

सुय मेय त्रविथ चूरि कोत गोम
वरज़नुय वाव बुथय प्योम
पय मये बुजुम दूरी दूरे
दित मेय दूरे वउनय वतन ॥

सीरी खसिथ लोसि कते
 वउति वउते वोन दिमस
 नज़र दिवान चूरि चूरे
 दित मय दूरे वउनय वतन ॥

द्रायी कमला दूरी दूरे
 दक्षिण उत्तर पश्चिम पूरे
 नउनि वानय छय न चूरे
 दित मय दूरे वउनय वतन ॥

६१.

यलि गलि मुह अन्दकार
 त्यलि सूहम तार दिये
 यलि चलि भ्रम बाज्यगार
 त्यलि सूहम तार दिये ॥

पत् मेयि तोब् कोर
 रोब् कान्सि गछि न युन
 गाब गछि त्यलि आबदार
 येली सूहम तार दिये ॥

सू छु नोन नंग् नादार
 तसन् कान्ह बकार छुये
 हावि कुस पनुन गाट्जार
 येलि सूहम तार दिये ॥

जायि कोरनम लोकचार
 मायि वउजनस भ्रम छुये
 भ्रम कासुम दमदार
 येलि सूहम तार दिये ॥

खर् संदि प्यठ बोर सार
 बोड दुनियादार छुये
 बोर तस छु बारदार
 येलिं सूहम तार दिये ॥

नख् येलि वालन बार
 पोज़ अपुज़ खार छुये
 सु छु पानउ बकछनहार
 येलि सूहम तार दिये ॥

प्यव पथर वोथुस अहनकार
 तस खुमार छुये
 तन् ज्यून वन्य खेयि हार
 येलि सूहम तार दिये ॥

पान् कथ प्यठ गोख खार
 संकलप बार छुये
 नस रटान छुख बारम्बार
 येलि सूहम तार दिये ॥

पथ चोल आस व्यचार
 नखि हय्थ खार छुये
 भवसर् कुनि छा तार
 येलि सूहम तार दिये ॥

यिय करान वोत यउचकाल
 तति मातामाल छुये
 तति कालल् सुंद दरबार
 येलि सूहम तार दिये ॥

यति तति कुनी लार
 बोड दुनियादार छुये
 तारि गोमुत तार् तार
 येलि सूहम तार दिये ॥

कर जुवह भ्रमह व्यचार
दय दरबार छुये
सुय अचि शिव दरबार
येलि सूहम तार दिये ॥

कमला सत व्यचार
सु सारिकुय सार छुये
तउर छन् तारि कन्धार
येलि सूहम तार दिये ॥

६२.

कथ कउर कउर कथि हेर फेर गोम
तव किन चेर गोम बोझयम कुस ।
यस ब वानह तिम ना रुदिय
तीम मूद सउरीय येति ना काह ॥

म्येति ना यादय कुस ओस म्योनय
ज्ञानन कुस तय ज्ञानयम कुस
अडय छिय नज़दीक अडय छी दूरें
तिम छी थउवान चूरे पान ॥

मेति ना आज़ तानय वोनुय कंउसे
करखय पछ तय छुख कुनुय भगवान ।
अखिर ख्वान अफसोस सउरय
हकदार सुंद हक नखनय हउयथ ॥

येति ना कंउसे रोज़ान यादय
यिम छी साधय बउनय बउनय कंअद्ध
जिन्द पानय गाछय राम राम सोरुन

येति छुय जिन्दय मरुन जान ॥

६३.

छानडान सुय बो हनि हनि
 वनि यियि यार व्यसीय
 अनतन त दीदार बनि
 वनि यियि यार व्यसीय ॥

कल् वन्द्हस पादन
 कन थव लोल् नादन
 अपरादन सूर बनि
 वनि यियि यार व्यसीय ॥

करउन्य गछि पोंपरउन्य गथ
 ज्योति सरूपस प्यथ
 कनि अदह फारस बनि
 वनि यियि यार व्यसीय ॥

सुय गव वन् वासी
 जूग तय सनयासी
 उपवास तस छि हनि हनि
 वनि यियि यार व्यसीय ॥

चम छनउ तस वने
 यस आलव गने
 शाहमार तस वलिथ तनि
 वनि यियि यार व्यसीय ॥

जाम चटिथ तने

सूर मोलुन हनि हने

शान्ति पेयस रूद् कनउ

वनि यियि यार व्यसीय ॥

सोरुय छुय त्यागिथ

चशमन सोरम् लांगिथ

सोरुय तस छु ब्रोन्ठ कनि

वनि यियि यार व्यसीय ॥

कति मरि जिन्दय रूद्

जिन्दय गव नाबूद

नाबूद बूदस अनि

वनि यियि यार व्यसीय ॥

वुछ फोलन गुल त गुलज़ार

छिय गुलन अन्दि अन्दि खार

कन्डिनय मोख्त मा छेनि

वनि यियि यार व्यसीय ॥

कर नज़र गुलज़ारन

छिय फोलान प्यठ खारन

खार् रोस बोय कति अनि

वनि यियि यार व्यसीय ॥

खारस कर नमसकार

खार् मन्ज़ फोलि गुलज़ार

नार् दोद मनसूर बनि

वनि यियि यार व्यसीय ॥

न्यरलीफ न्यरआललम

छुन् तस कान्सि हुन्द गम
छुय बसिथ सुय च्य मन्ज तनि
वनि यियि यार व्यसीय ॥

यस तोरय मसतीय

रोज़ि कति तन्ग दसतीय
संग रोस फारस बनि
वनि यियि यार व्यसीय ॥

प्रज़नाव सोन त सरतल

कहवचि प्यठ न्यरमल
वावत प्यथ हनि हनि .
वनि यियि यार व्यसीय ॥

प्रज़नाव हय दर हय

छय वज़ान पय दर पय
राजदान राज़न सनि
वनि यियि यार व्यसीय ॥

६४.

हतो पानो कति छुख आमुत
 कस छुख जामुत क्या छुय नाव
 वनख कस तय बोजी कुसू
 यति ना रोजी चय पनुन कन्हा
 हतो पानो कति छुख आमुत
 कस छुख जामुत क्या छुय नाव ॥

आमित सउरी कमिताम बहानय
 यति सामानय सउमबुरिनि धाय
 लमान सउरी पननि पननि रउजये
 वजऐ अउखर सेतारउ नय
 हतो पानो कति छुख आमुत
 कस छुख जामुत क्या छुय नाव ॥

नय छुय चोन तय नय छुय मोनुय
 यहा छुय प्रोनुय नोव न कन्हउ
 पनुनय पान येलि चय मउश गौवउय
 अदउहा चय पयोवुय नोवुय नाव
 हतो पानो कति छुख आमुत
 कस छुख जामुत क्या छुय नाव ॥

वनउ कस कोता भ्रम गौम पानस
 म्यूल जमीन आसमानस सउत
 आसिये मा जाह खम गौमुत पानस
 बुउनुल जन गव आसमानस ताम

हतो पानो कति छुख आमुत
कस छुख जामुत क्या छुय नाव ॥

सपनस मज्ज तीना य हाल काह ज़ाने
अद कति माने वनून म्योन
शाहर सुय गाम सुय खास तय आम सुय
सुय तय बुय सुय वनूनय क्याह
हतो पानो कति छुख आमुत
कस छुख जामुत क्या छुय नाव ॥

कमीताम हरकज पथमहा प्रजय
शरणय गछहा गरु पादन
त्राहे त्राहे असिस करनय
शरनागत्तम त्राहेमाम
हतो पानो कति छुख आमुत
कस छुख जामुत क्या छुय नाव ॥

असिस बय तय आसय बउय
सुये सोरीय बय नो केह
मनि मंछ गयिम त्रोपरयम लीये
हरिथ कमला बय नो केह
हतो पानो कति छुख आमुत
कस छुख जामुत क्या छुय नाव ॥

६५.

मचर आम लाज्यनस पामन
 बो नेरय चाख करिथ जामन
 म्य आउसम चान्य मनि कामन
 बो नेरय चाख करिथ जामन ॥

बो रटहा चान्य चरनारब्यन्द
 म्य वुछमय डेकि ओमकार ब्यन्द
 तमी छिय येच म्य मनि कामन
 बो नेरय चाख करिथ जामन ॥

बो छलाह न्यति नीम चान्य पाद
 म्य गेलान लूख बनेमउच साद
 तवय खोचान लउजिस पामन
 बो नेरय चाख करिथ जामन ॥

हाव् कस सीन् मुचराउविथ
 हयक्खकस हाल युथ बाउविथ
 यि हाल वुछ वुछ कुनिन थामन
 बो नेरय चाख करिथ जामन ॥

यि दुनिया कान्सि हुन्द मा छय
 बनिथ बाज्यगार तमाशा छुय
 वनिथ कुस हेकि यि घरि शामन
 बो नेरय चाख करिथ जामन ॥

वनय क्या हालि दिल कोताह
 बनिथ आम अज़ताम कोताह
 पोज़य बोज़ बूज़ यि कुलि आलमन
 बो नेरय चाख करिथ जामन ॥

खबर मा काउन्सि हाल क्या गव
 पजी पाउठय असमानय प्यव
 वनुन मा बनि यि बेगानन
 बो नेरय चाख करिथ जामन ॥

हचर लद छस मचर आव म्य
 बो हावय सीन् मुचरिथ च्य
 म्य मा आसय केन्ह ति मनि कामन
 बो नेरय चाख करिथ जामन ॥

छि कमला शिव ध्यान दारिथ
 पज़ीय पाउठय मान पनुन त्राउविथ
 यि होवनम आत्मा रामन
 बो नेरय चाख करिथ जामन ॥

६६.

घर घर करान हर नाव मश्य गोम
 यच कउल याद प्योम वन् हा कस
 ज्यूठ छुय समसार कूठ प्यतरुन प्योम
 यच कउल याद प्योम वन् हा कस ॥

येति कस वन् तय कुस सना बोझे
 येति कस रोजे यिछ कथ याद
 यिय सोरय सोरय सूर म्य वाउसय
 हयोकुम न कान्से वनिथ यि हाल ॥

माया जाल छु जाव्युल ज्यूठुय
 प्यतरुन कूठय बोझि कुस हाल
 ज्ञानीय सुय युस आसि वलनय आमुत
 वनि क्या सुय युस न्यबर द्रामुत छुय ॥

ज्योन त मरुन कोताह कूठ प्योम
 ज्यूठ छुय दरयाव गोड वुछ तार
 नावि हाउन्ज पानय नावि नम स्योद रठ
 नत् यिन् रोजीय फटनुक भय ॥

च्यय छुख हाउन्ज तय च्यय छुख दरयाव
 च्ये छय तारउन्य अपोर नाव
 क्या क्या करख तय क्या छुय करनुय
 गरि गरि स्वरनुय दय सुन्द नाव ॥

मान तय ओवमान वुछुम कूता
 वउस्य प्यव सोरुय वन्य छुन् केन्ह
 खबर केन्ह छन् तस क्या करन्यु
 दम दम सरनुय श्री भगवान ॥

माया कालस निशि गछि डरनुय
 येति छिय फरान मन्दन्यन चूर
 दम् दम् कमला चे कुन शरनय
 गरि गरि दरनुय शिव सुन्द ध्यान ॥

६७.

हचर लद छस मचर आम जायि जाये
 परान छिम रुम रुम नमः शिवाये
 जवानी सूर बुज़र आमुत छु काये
 परान छिम रुम रुम नमः शिवाये ॥

प्यवान छुम याद सोरुय सु प्रोन करतूत
 मउशिथ गोम याद क्या क्या छु सबूत
 वुछिथ पानय दपान कर दउयउ म्य साये
 परान छिम रुम रुम नमः शिवाये ॥

वुछिथ पननुय पान छस बो व्यचारन
 शुरयन बाचन सात्य छस द्वोह निवारन
 गउमच गलती कउमिस वापस आये
 परान छिम रुम रुम नमः शिवाये ॥

वनय क्या, क्या म्यः गुदरयोव आलमसमंज
 करान आसस ब चानि पूजायि हुन्द संज
 बनिथ आम त्यूत कोरुम कूत त्राहि त्राहे
 परान छिम रुम रुम नमः शिवाये ॥

म्य त्रोवुमू चानि बापत सोरुय समसार
 नत् येति खोश छि सारी वन क्या म्यलार
 ब आसस पान गफलतची गोफाये
 परान छिम रुम रुम नमः शिवाये ॥

च वुछ पानय छि कम रंग संसारस
 व्यचारिथ तम्बलावुन शीत जारस
 प्यवान चालुन चोक मोदुर जायि जाये
 परान छिम रुम रुम नमः शिवाये ॥

करान छस रात द्वोह असतुति चानी
 च करतम अन्तकालस पालना म्यानी
 लगान छुम डर मनस छम थर म्य काये
 परान छिम रुम रुम नमः शिवाये ॥

वनिथ क्या क्या बनिथ आम यिथ ज़मानस
 ति छम सउरय खबर पानस त भगवानस
 कउरम छोप् दम वजिस लूक लज़ाये
 परान छिम रुम रुम नमः शिवाये ॥

कुनुय मनथउर हावतम सिरिं प्रकाश
 कुनय दयनाव अनतम द्वोन अउछन गाश
 कलस प्यठ थवतम अथ कमलाये
 परान छिम रुम रुम नमः शिवाये ॥

६८.

कस वनय बो तस सिवा न ऐतबार में
अस् वनि मोख् सोरख्व लोकचार म्य
मन छु आव्युल पोश गव पुचपार म्य
कस वनय बो तस सिवा न ऐतबार में ॥

सोन्त कालकि वाव सात्य बामुन म्य आव
लोकचार छुय ताज़ यावुन शर म्य द्राव
हरद् वावन त्रांव ज़रदी वार् म्य
कस वनय बो तस सिवा न ऐतबार में ॥

ग्राय दिचनम माय जालन बन्द कउरस
छाय रुदुम क्रीड ज़ालन जन वजिस
मद् वाज्यथस अद् मा ओय आर चे
कस वनय बो तस सिवा न ऐतबार में ॥

हनि हनि फीरिथ ओसुम बाव चोन
यपाउरय द्रायस बूजुम तपाउरय नाव चोन
दर दुनिया हाव सेदि स्योद तार म्य
कस वनय बो तस सिवा न ऐतबार में ॥

सुलि वोथहा विलि गछहा बो जंगल
शेहजारस कनि वुछ म्य ज़न नार् त्यनाल
भ्रम त्रोवनम वार् होवनम बहार म्य
कस वनय बो तस सिवा न ऐतबार में ॥

दूरि वनन गव ना तस नाद कनन
 यीय छु बनन ती छुम पउज्य पाठय ननन
 हनि हनि छनन पउज्य किन्य गव वार् म्य
 कस वनय बो तस सिवा न ऐतबार में ॥

राम रामय राम सुन्दुय हाल गोम
 त्राहयमाम शरनागतम याद प्योम
 भाव् पोषन कउरयमय अम्भार मे
 कस वनय बो तस सिवा न ऐतबार में ॥

सुल कउरय कउरय दोह ह्योतनम लोसुनुय
 कमलायि भय तय भ्रम कोसनय
 सरि बाज़ार पाउन्य पानय तार म्य
 कस वनय बो तस सिवा न ऐतबार में ॥

६९.

सू कर यियि सोन वउन्य सालय
तमिस क्या ओस मलालय म्योन
वनान साउरी छि पति पालय
तमिस क्या ओस मलालय म्योन ॥

दिवान छस वोन चोपार्य पानस
गछान छुम अपमान पानस
खबर मा छम कमिस क्या बोस
तमिस क्या ओस मलालय म्योन ॥

सु रुदुम छाय कति चूरे
ब छानडन नज़दीक दूरे
छु कव् बापत दिवान डालय
तमिस क्या ओस मलालय म्योन ॥

ब आउसस चे शरन आमउच
ब छस सरि राह पत्थर पेमउच
स्यठा काल गव कमिस क्या ओस
तमिस क्या ओस मलालय म्योन ॥

म्य गोमुत पार् बोज्यम कुस
ब वनहा वार बोज्यम कुस
छु मा प्रारन यियि सालय
तमिस क्या ओस मलालय म्योन ॥

ब करहा तस पादन मोनि
 म्य दनि दनि याद प्योम वख्तस
 करस आरती दिमस बो बोस
 तमिस क्या ओस मलालय म्योन ॥

ब कम पोश लाग् तस पूजे
 सु कमि आरती न्यन्दि वुज्यहे
 तमिस मा ओस मलालय म्योन
 तमिस क्या ओस मलालय म्योन ॥

ब लागय शेरि कोसम पोश
 म्य हुतमुत् जोश वाउरागन
 ब द्वोद हर की बरस प्यालय
 तमिस क्या ओस मलालय म्योन ॥

ब चाने नाव छस शोलान
 गोमुत मशिथ म्य पननुय पान
 वनान कमला पनुन हालय
 तमिस क्या ओस मलालय म्योन ॥

७०.

ओसुख च्य तय आसख च्य ये
च्य ये छानडान लूसिम पाद
च्य ये छानडान म्य क्या कोरमये
म्य चे पथ लूसिम पाद ॥

वांउन्सी दितिमय वोन च्य ये
म्य चोपार्य लूसिम पाद
चोपार्य वुछुम च्यये बुये
सोरुय च्यये लूसिम पाद ॥

साउरसय चोपार्य वोन दित्यमये
सोन्य त वोगन्य आम नय द्राउन्ठ
यिन् करि कान्ह तय ति कोरम्यये
तव किन्य म्य ये लूसिम पाद ॥

हर विज़ि शिन्या ज़न गव म्य ये
वनिथ ह्योकुम न ज़ान्ह
शाह आउसिथ गव गद्या म्य ये
च्य ये छानडान लूसिम पाद ॥

वुछान आउसस तस कर याद पेये
वनि यिहे यियि ना योर
छानडन मुशकिल गव क्या म्य ये
च्य ये छानडान लूसिम पाद ॥

जायि जायि चोपार्य वन्य दित मये
 भय चाम पानस दय रछतम
 गमं बम चोल म्य चाने लये
 च्य ये छानडान लूसम पाद ॥

वुछान आउस्य कमिताम नये
 तति आउस्य फेरान कोह तय बाल
 वुछान वुछान लोसम ल्ये
 च्य ये छानडान लूसम पाद ॥

दारि त् बर यल् त्राउव्य म्य ये
 थर लउज्य म्य बर् गोम हिये पान
 जाउव्यजार कोताह प्यतरुम म्य ये
 च्य ये छानडान लूसम पाद ॥

कोता काल वोत प्रारान म्य ये
 च्ये प्रारान द्वोह तय रात
 वुछान वुछान लोसम लये
 च्य ये छानडान लूसम पाद ॥

हनि हनि वोन दिथ वुछमख चय्ये
 क्षन् क्षन् चय्ये बुय नो केन्ह
 यीय ओस वुछमुत तीय बेयि बेये
 च्य ये छानडान लूसम पाद ॥

वन् कस कोताह बार खोत म्य ये
 च्यय रुसतुय न वन् नस वार
 वोनुय कमलायि वन्य म्योन कुस छुये
 च्य ये छानडान लूसम पाद ॥

७१.

पोज़ अपुज़ कउरय कउरय धर्मस गठ गोम
कर्मस पर् प्योम बोज्य कुस
यस बो वन्हा सु ना बोज़े
नाहकय रोज़िहे मन गमगीन ॥

पनन्यन निशि गछि हालि दिल बावुन
पननुय पान प्रज़नावुन क्रूठ
पनने पानय गछि व्यचारुन
पननुय पान छुय तारुन क्रूठ ॥

न छुय कान्ह तय न काउन्सि हुन्दुय
नाहकय लोगमुत ज़ालस मन्ज
ज़ाल गछि चटुन पनने पानय
अद् जानानय दयवु यियि योर ॥

घरनय मन्जबाग ठउरी कम रूदी
गाटल्य मूदी दारि बर दिथ
यिहुन्द सु ओसुय तिम हा ब्योनुय
यि छु न्यथूनोनय नोनय कुनुय गोस ॥

यीय छुय दुनिया कव् छुख भ्रमनय
कोन् छुख शमन वुछ वुछ हाल
द्वोह द्वोह खोतुय लोगुथ खमनुय
वन कमनय सात्य वून्थ ज़ाल ॥

हनि हनि म्य च्य दित्यमय वनीय
 सउन्य वोगनीय बेयि नो कान्ह
 ह्यउरि ति पानय बोन् ति पानय
 वुछ दान् दान्य वन क्या हाल ॥

वनिथ क्या हक् कमिताम बहानय
 नव नव थल उपदानय छिय
 प्रोनुय सोरुय नोव ओपदानय
 वुछ पाउन्य पानय पननुय हाल ॥

कम कम रंग गय म्य पानस
 तीय वनहा तस जानानस बो
 यिया योर किन् लारस तोतुय
 अद् बोझि यती क्या छु म्योन हाल ॥

यिय वोन कमलायि पननिस पानस
 कुस वनि तस जानानस म्योन
 नत् यिना योर सु जानानय
 हनि हनि वुछन पानय बो ॥

७२.

कयाजि हरान गोख वुछिथ च्य अथ आशर्चरसीय
 करत पूजा खउन खउनय तस नारायन सीय
 लाग पूजे बोदि पमपोश तस श्री सतग्वरसीय
 क्याजि हारान गोख वुछि त च्य अथ आशर्चसीय ॥

केन्ह छुन आशचर दिह टाछर पुश्रावनस हरसीय
 यूगबल तर अपोर लीला करुणा करसीय
 ज़रह ज़रह सीय बसिथ छी हर जरसीय
 क्षन-क्षनय गछति शरण नारायनसी
 अदह करत् पूजाह ख्यन ख्यन तस परमेश्वरसीय ॥

कुस दोयिम छी आश कय्य सन्न छे दिलस
 रोज़ हुशियार आसन चिय दार
 प्रालबदुक भोग छी ना ब्रोन्ह कनि रखनसीय
 करत् पूजा ख्यन् ख्यन् तस परमीश्वरसीय ॥

सोरुय त्राविथ लाग खानदारमन्ज घरसीय
 अन्दर त्यागिथ नेबिर फेर फेरुन ज़रह जरसी
 सहल मा शहनशाही दीव्शातरसीय
 करत् पूजा ख्यन ख्यन तस परमीश्वरसीय ॥

आयि कात्या गयकात्या मन्ज भवहसरसीय
 छस ब खोचान यी वुछ वुछ यथ बाज़रसीय
 थउफ कउरिथ तारि गयस जिन्दय मरसीय
 करत् पूजा ख्यन ख्यन तस परमीश्वरसीय ॥

बोड दयाल् बोड दाता छुख रक्षपालीय
 कस छु तकसीर नाल वलिथ मायाजालीय
 चउन माया तारे मा तुलि क्षन मातरसीय
 करत् पूजा ख्यन ख्यन तस परमीश्वरसीय ॥

कम धनी कम बहदूर योत आमत्य छी
 दम न दिवान क्रक् लायान लूकन थी
 तिम लग्यमित्य वुछ म्य पतौ अफसूस खयनसय
 करत् पूजा ख्यन ख्यन तस परमीश्वरसीय ॥

हे सदा शिव नाद लायान छसब सतग्वरसीय
 सुय भ्रमा वेशन सुय तस परमेश्वरसीय
 हे सदा शिव गोश थावुम म्यति आरचरसीय
 करत् पूजा ख्यन ख्यन तस परमीश्वरसीय ॥

कूत काला गौ कमलायि यी कउरय कउरय
 हालि हारान ज़न गमच छ चूर फउर फउर
 छोन्य गयस छोन्य मन्न धरसय
 करत पूजा ख्यन ख्यन तस परमीश्वरसीय ॥

७३.

गरिह गरिह करय ब चामर
हे शिव अनुग्रह कर
हर हर करय ब चामर
हे शिव अनुग्रह कर ॥

जगतुक छुख रखपाल
नउलय गौ माया जाल
हे दयाल सउजय कर नजर
हे शिव अनुग्रह कर ॥

सोरुय जगत छु द्वोखय
जेरि चानि बनि सोखय
च्य अगम अपर
हे शिव अनुग्रह कर ॥

सारनय हुन्द च दाता
मोल मोज बन्द त ब्राता
च्य साक्षात ईश्वर
हे शिव अनुग्रह कर ॥

गणपथ तिहुन्द सनतान
वन्दहोस तन मन प्रान
वनि कुस तिहुन्द बजर
हे शिव अनुग्रह कर ॥

सतकुय गाश दिम च्य
 तन छुस थारान बुय
 कलि कालुक यि असर
 हे शिव अनुग्रह कर ॥

दीवन हुन्द छुख दीव
 सारी चान्य करान सीव
 रछवुन छन्मातर
 हे शिव अनुग्रह कर ॥

जगत गोमुत गीर
 सयोद करतख तकदीर
 पननी कर त नज़र
 हे शिव अनुग्रह कर ॥

कान्ह छुन कान्सि हुन्दय
 कासतख मनि द्रुय च्य
 कमि करमुक द्राव यि तर
 हे शिव अनुग्रह कर ॥

मोल तय मोज हउरान
 पज़ि अपज्युक यि बयान
 गय नन्ग तय लज थर
 हे शिव अनुग्रह कर ॥

डोलमुत सत व्यचार
 भगवान यित्तय आर
 बोड चोनुय दरबार
 है शिव अनुग्रह कर ॥

चानी जीव सारी

बाउि दय क्षमा कारी
कर दया अपराद हर
हे शिव अनुग्रह कर ॥

पाद थावतम म्य शेरे
सोरुय अभिलाश नेरे
लागय पोशि अम्बर
हे शिव अनुग्रह कर ॥

लोकचार प्यठ हेचम ज़ाग
हारस गोम पोह त माग
राग रूदुम न केन्ह ज़र
हे शिव अनुग्रह कर ॥

कमला छय हारिथ
कम जयाधि व्यचउरिथ
शान्ती समसार बर
हे सिव अनुग्रह कर ॥

७४.

लोले आमो बुक् बुक् बार बार च्योन
 क्या च्य गोय ना जाहं कनन वील जार म्योन
 भय कास्तम दय छुम इन्तजार चोन
 क्या च्य गोय ना जाहं कनन वीलल् जार म्योन ॥

हक् आयस दक् ज़द छम चान्य कल
 आदीनन जायि थाव पादन तल
 दीन् दयाल बोड छुय दरबार चोन
 क्या च्य गोय ना जाहं कनन वीलल् जार म्योन ॥

पोशि बागन अज़ लजमच छय फुलय
 भय कासतक दय थावतम निर्भय
 जय बनी सारनीय येलि छुम धय एतबार चोन
 क्या च्य गोय ना जाहं कनन वीलल् जार म्योन ॥

हे शिव पादि कमलान पउरय लगय
 हे शिव भय मंज करवुन च ज़य
 छी वनान सारी ज़गत आदार सोन
 क्या च्य गोय ना जाहं कनन वीलल् जार म्योन ॥

दम करिथ सारी वउलयमित छि भ्रमन
 भ्रम छु समसार नाल वोलमुत मुह भ्रमन
 बाडि दयाल बोड स्याठाह भन्डार चोन
 क्या च्य गोवुय ना जाहं कनन वीलल् जार म्योन ॥

चयय छि मिसकीन गमगीन आलव दिवांन
हे सदा शिव नाद बोझ छुख ना यिवान
छुन् च्य सिवा बेयि काँह सरकार सोन
क्या च्य गोवुय ना जाहं कनन वीलल् ज़ार म्योन ॥

पादिह कमलन तल छय कमला शरन
वीद परन छी चानी तोताह करन
रछतम त्रे तापव निशि छुख सहार म्योन
भय कासतम दय छुम इन्तज़ार च्योन
क्या च्य गोवुय ना जाहं कनन वीलल् ज़ार म्योन ॥

७५.

कपउरय कपउरय फीरिथ आये
 चोपारय सु ओस नाये लो लो
 यपउरय बूझम तपउरय द्रायि
 चोपउरय सु ओस नाये लो लो ॥

गोडन्युक प्रणाम श्री गनीशाये
 सउयीत सउयीत माजि वोमाये लो लो
 गणपत जी वोर माजि वलुबाए
 चोपारय सु ओस नाये लो लो ॥

ब्रमाह वेशन महेश्वराये
 साक्षशात कार दारनाये लो लो
 ओम नमो भगवती वासदीवाये
 चोपउरय सु ओस नाये लो लो ॥

भक्त ज्ञन लोल् सउयीत कत्याह आये
 वल्यमित लोल् तय माये लो लो
 ममता त त्रेश्यना दूर गयाये
 चोपउरय सु ओस नाये लो लो ॥

यिम जउलय लोलन तिम कति आये
 सउत सउत माजि रागन्याये लो लो
 मेहरबान चुय छुख हर कुनि जाये
 चोपउरय सु ओस नाये लो लो ॥

सन्तन सादनीय निशि आयाये
 तिम् नय निशि गया ये लो लो
 दया द्विष्टी कर दयाये
 चोपउरय सु ओस नाये लो लो ॥

करमस धर्मस फियर लजाये
 क्या ल्यूख कर्म लीखाये लो लो
 कल् फौट बूज्य बूज्य बम टासराये
 चोपउरय सु ओस नाये लो लो ॥

नादान कात्य बेघर गयाये
 परनउवथस त्राहि त्राहि लो लो
 कम ज्ञान आउसिथ ति शरन आये
 चोपउरय सु ओस नाये लो लो ॥

भ्रमुक यु समसार भ्रम त बाउज़गार
 आर यिय् ना ज़ालाये लो लो
 अज़ताम समब्रोवुख कमि आशाये
 चोपउरय सु ओस नाये लो लो ॥

शरमन्द सारी शर ख्यथ शर हयथ द्राये
 ननि वान् बे परवाये लो लो
 छनद्राये सउरय छनी द्राये
 चोपउरय सु ओस नाये लो लो ॥

रंग रंग कम पोश लागय पूजाये
 सोम्बिथ प्रेम त माये लो लो
 सम बावह पूजा कर कमलाये
 चोपउरय सु ओस नाये लो लो ॥

७६.

सुई छोन्दुम म्य हनि हनि
 तनि कोफूर मलसय
 वनि आव सु म्य हनि हनि
 तनि कोफूर मलसय ॥

लोल आम बुक बुक चोन
 होल गोम लोल छुम चोन
 यि कस् कर्मलोन वनि
 तनि कोफूर मलसय ॥

गयूर फेरान फेरान आम
 छस ब वतउ शेरान
 वति प्यठ क्या सना वन्
 तनि कोफूर मलसय ॥

करय ब मोख्तस हार
 प्रारान छस गोमच खार
 दान् दान अम्बार बनि
 तनि कोफूर मलसय ॥

रोनि छोनि सेतार साज
 कउम बूज यी छु राज
 सरह सुय करि हनि हनि
 तनि कोफूर मलसय ॥

जाम् दउद म्य वउरागय
 शाम् रूप कति ज़ागय
 शाम रंग गोम मंज मनि
 तनि कोफूर मलसय ॥

तम कति दिम् नेरस
 हर हर शय् फेरस
 च्य त् मय कुनुय बनि
 तनि कोफूर मलसय ॥

हय्स त होश व्यसरोमुत
 रस् रस् मस प्योमुत
 मसतान् पान् कस वन्
 तनि कोफूर मलसय ॥

दूरयोमुत सु गौ दूर
 चोल्मुत आवलुन ग्यूर
 यस बनि तसन चम वनि
 तनि कोफूर मलसय ॥

मस लोग मसतानन
 फेर आकाश थानन
 ज्याद क्या छुस ति छेनि
 तनि कोफूर मलसय ॥

तारि गामित सारी
 भगवान करत् यारी
 वति प्यठ कुस कस वनि
 तनि कोफूर मलसय ॥

छेन्य वन्दकीय बंदन

बन्द कउर काल् फंदन

अन्द म् रोज़ छुख ब्रोन्ठ कनि

तनि कोफूर मलसय ॥

या दिम भ्रमह व्यचार

नत मसह लाग बे आर

तार दिम तार यिन छेनि

तनि कोफूर मलसय ॥

दास छस चउनिय हरह

पास कर परमीश्वरह

दुय गउज सुय हनि हनि

तनि कोफूर मलसय ॥

मसतान छय कमला

चय सउयीत बे परवाह

जाम चटिनय हनि हनि

तनि कोफूर मलसय ॥

७७.

मारह कउरनस मारह मती
 पारवती वारह बोझ
 तारि कउरनस थारि हती
 पारवती वारह बोझ ॥

अस्य आमत्य लोल हती
 दोल् लोगमुत आलमस
 प्रारय प्रारय गय आरह कती
 पारवती वारह बोझ ॥

वोठ म्य लउयम सदरसय
 कुन्य त कीवल नन्य गयस
 ब्रोन्ठ नीरिथ गय पती
 पारवती वारह बोझ ॥

शान कोर मानसरय
 ज़रह ज़रह छोल म्य मल
 थयर म्य दिचनम सरस्वती
 पारवती वारह बोझ ॥

खोत ओबुर असमानस
 पान्य पानस छम खबर
 गम कास भ्रम चोल म्य यती
 पारवती वारह बोझ ॥

कवह गयस कोहसारन
 गुलज़ारन वन्य दिवान
 रंग रंग गुल फोल्मती
 पारवती वारह बोज ॥

ज़रह ज़रह सर्व व्यापक
 हयक वउन्य माता भवानी
 शरमन्दह शरन आमत्य
 पारवती वारह बोज ॥

लोलह कमला नाद लायान
 लोलह करान असतोती
 लागय लोल् पोश लव्हती
 पारवती वारह बोज ॥

७८.

गुल वुछिथ बुलबुल छि तोशन
माल् पोशन करसय
नेरना फेरन गोशन
माल् पोशन करसय ॥

वन्य म्य दितमय सन्य त वोगन्य
नन्य पाठय बूजुम न केंह
युस म्य स्थीतीय तस ब रोशन
माल् पोशन करसय ॥

हावहा तस सीन् मुचरिथ
पान पुशरिथ नेरिह क्या
तम्बलाविथ छस न पोशन
माल् पोशन करसय ॥

दक् हन्दरउक्य हन्दरावनस
तावह तोन्दरन् ज्ञाज्यनस
लाज्यनस कोहन त् बालन
माल पोशन करसय

चाख दिथ नेरय ब् ज्ञामन
मनि कामन छम म्य चान्य
नाल् रटहन सुबहन त शामन
माल् पोशन करसय ॥

रात्य रातस छस ब हुशयार
 पोशनूल ज़न बेकरार
 बूल्य तम्यसन्ज बूज प्रभातन
 माल् पोशन करसय ॥

हावि दर्शन रोजि रोशन
 सुय दिलस मन्ज छुम तमाह
 कर सना यियि पान् तोशन
 माल पोशन करसय ॥

छय कमला वन्य दिवान च्य
 सन्य वोगन्य यियि कपारय
 दिय म्य दर्शन छुम सु रोशन
 माल् पोशन करसय ॥

७९.

ब आसस शाह शहानय
म्य मा ज़ाल नउली पानय गौम
वनय क्या वनिथ न्हय्कानय
गोमुत छुम नाबकारय पान
ति ज्ञानय्म पउनुनय पानय
म्य मा ज़ाल नउल पानय गौम ॥

सउज़र कोताह छु मायि ज़ालस
बनिथ यस आव ज़ानि तस
वुछान छुय वलन् क्या आमय
म्य मा ज़ाल नउल पानय गौम ॥

हयोकुम ना जान्ह वनिथ कांन्स
म्य कोताह पय्तरून प्योम कुनिस पानस
तवय छस पान् वनानय
म्य मा जाल नउय पानय गौम ॥

ब आसस अन्दि अन्दि फेरान
म्य मा गव गन्ड तवय खोरन
ब मा आसस न वुछानय
म्य मा ज़ाल नउल पानय गौम ॥

वनान कमला छि दासतानय
यि दासतान पान् लेखानय
ब कस वन् यी छु बनानय
म्य मा जाल नउल पानय गौम ॥

८०.

खोश रोज़ व्यसिये गुलज़ार हय फल्यमित
 गुल वुछिथ बुलबुल छु तोशन
 वुछन वुछन वख गव नीरिथ
 पख ब्रोन्ठ कुन वुछ चेर मा गव ॥

फेरन फेरन दोह गव लूसिथ
 पख ब्रोन्ठ कुन वुछ चेर मा गव
 आयस कते त गछुन म्य कोतू
 पायस पेयस रूदम न हय्स
 पकान पकान वख गाव नीरिथ
 पख ब्रोन्ठ कुन वुछ चेर मा गव ॥

यो ओस कर्मस ती आव बुथे
 नाहकय हन्द्रान मन छुय च
 कथ प्यठ लोगुय वाय त वुय
 पख ब्रोन्ठ कुन वुछ चेर मा गव ॥

पजिस अपजिस हिसाब लोगुय
 बार छुय गोब हय्कखय तुल
 कथ प्यठ जुव् गोवुय मन गांगले
 पख ब्रोन्ठ कुन वुछ चेर मा गाव ॥

यी छुय कोरमुत ती छुय बुथि
 नत् छा नाहक् लगान हान्ठ
 यी छुय कोरमुत ती छुख बूगन
 पख ब्रोन्ठ कुन वुछ चेर मा गव

कुनुय आसिथ कोता जेठयोख
 कुनसीय ज्ञय पूशुख न जान्ह
 बेयि सुन्द दपुन जांह मा वेप्योयो
 पख ब्रोन्ठ कुन वुछ चेर मा गव ॥

यी ओस लिखित कर्म लानिस
 ती कानिस वोनुम न जाँह
 सोरुय बार खोरुम नख बारय
 पख ब्रोन्ठ कुन वुछ चेर मा गव ॥

ज्ञान दुनिया तावनुन बाज़ार
 नत यति कस अकिस प्यठ एतबार
 सरह गव कमलायि सोरुय समसार
 पख ब्रोन्ठ कुन वुछ चेर मा गव ॥

८१.

यस निश पानस मस पेयि पानय
 सुय गव मसतानय
 यस निश पानस छुय जानानय
 सुय गव मसतानय ॥

सुय छी पानय मोख्तारि आलम
 सुय छुय पानय सुलतान शाह
 तस निश वारह बोज ताजहअफसानय
 सुय गव मसतानय ॥

येम्य तथ सदरस थाह लउय पानय
 सारसीय कोरनय ला
 तम्य खोर दम दिथ खास दुरदानय
 सुय गव मसतानय ॥

यस छुय चशमन द्वोन सुय गाशी
 सुय गव अभिनाशी
 सुय नेरि काबउ मन्ज खसि आसमानय
 सुय गव मसतानय ॥

सुय छुय मोय तय मोय खानय
 सुय छुय पयमानय
 सुय छुय पानय बागरावानय
 सुय गव मसतानय ॥

येम्य यति होरुय तंस यल् तोरुय
 ज़ोरुय तोरुक छुस
 सुय नेरिह काबउ मन्ज़ खसि असमानय
 सुय गव मसतानय ॥

बस क्या रुदय बस क्या मूदय
 कमला कउरनस मस
 तस तमि तोरह छुय ईशवर पानय
 सुय गव मसतानय ॥

८२.

सर्व मंगल च दया कर
 वर म्य च्य श्री भगवती
 भक्तिवतसल छुख च सतग्वर
 वर म्य च्य श्री भगवती ॥

च्य माता पिता त् दाता
 बेयि भ्राता बोय बन्द
 सर्व मंगल कर म्य यती
 वर म्य च्य श्री भगवती ॥

छुय चवापोर राज चोनुय
 छि त्रिपोर सुन्दरी वनान
 कर दया छी आरकती
 वर म्य च्य श्री भगवती ॥

आरकत्यनीय स्यीत च्य छुख
 मारह मत्यनीय मन्ज बिहिथ
 बागरावान छुख च्य पानय
 वर म्य च्य श्री भगवती ॥

महा शक्ति पान च्य छुख
 महामाया छी वनान
 स्वर्गउक ज़ाम छुख च पउरिथ
 भर्ग शाखा भगवती ॥

यूगी ज्ञन यूग छि दारन
 दारनाय मन्ज ध्यान चोन
 श्रान करान छी तुल् मुले
 छख च राज्ञान्या भगवती ॥

रागनय मंज राग छु चौनुय
 ज्ञाग्रत मंज रूप चोन
 शूश्विन्य छख प्यठ नागस
 ज्ञांग हेथ रोजय तती ॥

रथ ब वन्दय पादि कमलन
 सथ म्य चानी यछ छम
 अनि गटि सीय गाश अन्तम
 नाश पापन करति यती ॥

नाम लेखय शाम सोन्दरी
 मचि नेन्द्रि याद प्योम
 सारनीय भक्ति दिवान छख
 कमला प्रारान यती ॥

८३.

ब लागय पोश चारय चारी
 च ज़ारी वोज़तम ईशवर्
 करय पूज़ा कास म्य खारी
 च ज़ारी बोज़तम ईशवर् ॥

च थोद वोथ ध्यान कर सुले
 च श्रान कर नाग तुलमुले
 लगन पूज़ाह छि चोपारीय
 च ज़ारी बोज़तम ईशवर् ॥

बुउ अन्दि अन्दि फेर परबतसई
 च प्रकरम कर चकदरसई
 वरी सुय चेय करि यारी
 च ज़ारी बोज़तम ईशवर् ॥

व्यन् मादल त् कोसम पोश
 ति वुछ वुछ बुलबुलन डोल होश
 तवय बापथ म्य ब्यल चारी
 च ज़ारी बोज़तम ईशवर् ॥

अर्ग तय पोश चे लागय
 प्रभातन न्यति नियम जागय
 ब लागय शेरि चोपारी
 च ज़ारी बोज़तम ईशवर् ॥

नतय म्य हासिल क्या आमुत
 म्य कुस शर पूरह छुय द्रामुत
 म्य चे पत् तुज स्यठा खारी
 च जारी बोझतम ईशवर् ॥

ब लागय भावकीय पमपोश
 च ईशवर दिम पननुय होश
 छय कमला तार चारय चारीय
 च जारी बोझतम ईशवर् ॥

८४.

माता बोझतम च म्य वील् जारी
 पारय हैय लगय पादन
 तोताह बोझतम कन दारय दारय
 पारय हैय लगय पादन ॥

कुमभी पाकउकय नरकउनय छम थर
 मोज कासतम मर मर
 आरचर म्यान बोझ अशिकी छिम टारी
 पारय हैय लगय पादन ॥

नाम ब लेखाय शाम सोन्द्री
 कामना चानी छम
 साम चान्य सोन् सन्दि जाम जरकांरी
 पारय हैय लगय पादन ॥

नय्थ प्रभातन पूजा करय
 दरय चोन ध्यान
 श्रान करनावतम गन्ना दारी
 पारय हैय लगय पादन ॥

अनिगटिसय मन्ज वथ म्य हावतम
 वति प्यठ मत त्रावतम
 ओम ओम बोलनाव अदह चलि खारी
 पारय हैय लगय पादन ॥

ब हय व्यसरेयस रुदुम न होशी
 पमपोश वथरावय
 ब्यल त् मादल लागय चारय चारयी
 पारय हैय लगय पादन ॥

आकाश पाताल राज छुय चोनुय
 तति मा म्योनुय छु केन्ह
 छय वनान कमला कर वोफादारी
 पारय हैय लगय पादन ॥

८५.

करम छोप् दम म्य मा ज़ोन भ्रम छु समसार
 पोरुम सूहम करम छोप् दम भ्रम छु समसार
 करिथ कोरमुत त्रावुन हम छु समसार
 करम छोप् दम म्य मा ज़ोन भ्रम छु समसार ॥

फसेयस नाहकय मुह जालसीय मंज
 स्यठाह काल त्रावनस तथ हालसीय मंज
 कोरुम बरदाश सोरुय शम छु समसार
 करम छोप् दम म्य मा ज़ोन भ्रम छु समसार ॥

वनय क्या कूत काला वोत म्य प्रारान
 अछव किन्य खूनि दिल छस ब हारान
 गयम गल्ली म्य पानस हम छु समसार
 करम छोप् दम म्य मा ज़ोन भ्रम छु समसार ॥

छु आसचर्य टाछर क्या जिन्दगी हुन्द
 ति बूजिथ रिन्दव हयोत वारह नचुन
 वुछिथ बूजिथ वनान तिम शम छु समसार
 करम छोप् दम म्य मा ज़ोन भ्रम छु समसार ॥

वुछुन सोरुय त्रावुन छोप् करिथ
 गोमुत छोनुय गयस जन चूर फउरिथ
 हरिथ प्या सारनीय निश् छम न खन्ड हार
 करम छोप् दम म्य मा ज़ोन भ्रम छु समसार ॥

वुछुन गछि बदल्योमुत छुय आलम
समय मां हिवुय रोजान केह दम
सुय वुछि समबावय रोजि कस सार
करम छोप् दम म्य मा ज़ोन भ्रम छु समसार ॥

म्य यथ समसारसीय मन्ज होर कोताह
म्य तुलमुत छुम कलस प्यठ बोर कोताह
तुलुन मुशकिल कलस प्यठ गोब स्यठा बार
करम छोप् दम म्य मा ज़ोन भ्रम छु समसार ॥

अवलय युस गोमुत जालसीय मन्ज
करान छुय सुय पान मोकलावनुक सन्ज
तवय कमलायि वोलुय कल् प्यठय बार
करम छोप् दम म्य मा ज़ोन भ्रम छु समसार ॥

वनान सारी ज़नम दारुन स्यठाह कूठ
प्यवान मुशकिल ज़ाल जाव्युल त ज्यूठ
वनुन आसान बनुन गछि भव संधि तार
करम छोप् दम म्य मा ज़ोन भ्रम छु समसार ॥

८६.

बोज़ि व्यसिये वारह ही फौज
 दौर दशा सारय चज
 कोसमन ही बेयि फुलय लउज्य
 दौर दशा सांरय हय चज ॥

मान अभिमान हउयौर हय गउमित्य
 भव सागर मन्ज बिखारय
 नव बहारस बयि फुलय लउज
 दौर दशा सांरय हय चज ॥

गुल त गुलजार तवय छि फोलमित
 बुलबुलव तुलमुत छु शोर
 गछि न वोथुन शोरिह गोगा
 दौर दशा सांरय हय चज ॥

कम पंडित ज्योतिश मुनीश्वर
 छी परेशआन ज़गि अन्दर
 करत् अनुग्रह सर्व ईश्वर
 दौर दशा सांरय हय चज ॥

आउबदार हय अस्य छि सारी
 अउबनय कर सायि वन्य
 सतग्वर ईश्वर च म्योनुय
 दौर दशा सांरय हय चज ॥

गायत्रेय त सावत्रेय छख

पाप् मूचन च्छन्दिका

पाप शाप कास जन अकल डउज

दौर दशा सांरय हय चज ॥

वनि कमला पानसीय कुन

कान्सि निश ब्योन छस न बो

गटि मन्जय गाश गट् चउज

दौर दशा सांरय हय च्छज ॥

८७.

छैन्य पानय दित म्य वउन्य
पोशि बनी लागसय
हनि हनि मस्तान नंउनी
पोशि बनी लागसय ॥

वुछ हनि हनि यमबुरजल
तुलसी ही त मादल
फेरि अउन्द अउन्द शेरीपनी
पोशि बनी लागसय ॥

कमिताम छल् गय म्य ज़ौल
लाय कम्यताम करतल
पेम्य ज़खमन सन्य सनी
पोशि बनी लागसय ॥

छुम विशवास पास कुस करह
त्रास ज़ोरावार गोम
छुम अछन म्य सोरम् लागिथ
गर्म सयीत पुच् पार गोम
वुछ च पानय कुस क्या बनी
पोशि बनी लागसय ॥

खोश यिवुन म्यूठ मजदार
ज्यूठ छु स्यठाह अन्दकार
अन्दह कार् मन्ज़ केशवुनी
पोशि बनी लागसय ॥

अथ कालस मन्ज येचकाल
हय्क् कूत काल हाविथ
ज़ाल चोट म्य वउन वनी
पोशि बनी लागसय ॥

वोन्य न ताकत कथ करनस
अश्रोट वोन्य कुस करय्स
करह दया दयाल पानय
पान् तारस तारयज़म
नाव दौयिम कमलायि धनी
पोशि बनी लागसय ॥

८८.

मैं मुसाफिर हूँ बिखरारी
 डूँडती हूँ आपको
 जन्म जन्म मैं फिरी हूँ
 आपकी तलाश में
 अब मिली है तनहाई
 डूँडती हूँ आपको ॥

मुझे मालूम कुछ नहीं है
 क्या मिला हमको यह फल
 यह आपकी है मेहरबानी
 डूँडती हूँ आपको ॥

क्या हुआ है हाल मुझ पर
 जाल माया का है यह
 जब हुई मुझ से जुदाई
 डूँडती हूँ आपको ॥

क्या बताऊंगी मैं आपको
 मैं किसी की भी नहीं
 आपके बिना कोई नहीं मेरा
 डूँडती हूँ आपको ॥

क्षण भर में दुनिया बदलती है
 हमारे सामने
 देखती हूँ आपकी बड़ाई
 डूँडती हूँ आपको ॥

मैं बताऊं हाल अपना
यह कहने के लायक नहीं
क्या निशाना था मुझपर
डूँडती हूँ आपको ॥

दुनिया बदल जाती है
आदमी बदलते रहते हैं
खबर क्या क्या होने वाला है
डूँडती हूँ आपको ॥

यहा की सब फिजायें हैं
यह आपके नज़ारे हैं
आपकी शरण आई ह कमला
डूँडती हूँ आपको ॥

८९.

सुनो बेटा यह दुनिया जो सब कुछ
बे वुफाई है ॥

शुक्र है इस मालिक का जिसने यह
बनाई है ॥

गुजरे साल मेरे पचपन बता क्या क्या
बकाई है ॥

यहा शार्ह गदाई जो वह सब मैंने
बिताई है ॥

नहीं रहती धन दौलत गरीबी भी नहीं
रहती ॥

पलट जाती है क्षन बर में यह उसकी
खुदाई है ॥

कहीं हंसना कहीं रोना यह है जादूगरी
उसकी ॥

कि जिसमें वह रज़ा रहता वही मेरी
रज़ाई है ॥

वही दाता पिता मेरा वह प्रीतम
प्यारा है ॥

वही भ्राता बहन बन्दो वही मेरा
सुहारा है ॥

वही सतगुरू मेरा वही संकट उदारा है ॥

वही है मालिक दुनिया का वही सब
का सहारा है ॥

न लगता किसी का डर न कोई मुझे
प्यारा है ॥

न डरती हूं किसी से मैं न किसी से
मैं न्यारी हूं ॥

सिरिफ आशा मुझे तेरी वही मेरी
रज़ाई है ॥

सिरिफ आपके ही चरणों में शरण
कमला आई है ॥

९०.

हर ज़र ज़र में राम बसा है
 राम तरन तार
 जोगन बन कर आई हूँ मैं
 करले बेड़ा पार ॥

त्यागत त्यागत त्याग किया है
 त्यागा नाही कुछ
 राग् दीशों से वापस आई
 लाई नाही कुछ
 आपके बिना जो कुछ पाया
 कष्टों का बाज़ार
 जोगन बनकर आई हूँ मैं
 करले बेड़ा पार ॥

जग में कितने जीव जन्तु है
 यह सब उदासी
 मारे मारे फिरते है सब यह
 है भ्रम फांसी
 माता पिता बहन भाई कोई
 ना ही सार
 जोगन बनकर आई हूँ मैं
 करले बेड़ा पार ॥

ना ही कोई दुशमन मेरा
 ना ही कोई दोस्त
 ना ही किसी का बरोसा

ना है किसी का बे बरोसा
 घर बार छोड़ के आये हैं सब
 तुम जगत आदार
 जोगन बनकर आई हूँ मैं
 करले बेडा पार ॥

मैं-मैं करके मैं ही भूला
 भूल गया सब कोई
 आपके सिवा में कुछ नाही
 आप ही सबके होये
 आपके पीछे दायें बायें
 हर सोय है असरार
 जोगन बनकर आई हूँ मैं
 करले बेडा पार ॥

रूखा सूखा जो मिलता है
 वह प्रालब का भोग
 फिरना थुरना जो मिलता है
 वह भवसर का रोग
 आपकी सिदी आपकी बुदि
 आप ही करता सार
 जोगन बनकर आई हूँ मैं
 करले बेडा पार ॥

आपके चरनों के नीचे आई
 है कमला
 आपका साया सर पर मेरे
 मैं हूँ बे परवाह

यही है निश्चय अपने मन में
आप ही सब के सार
जोगन बनकर आई हूँ मैं
करले बेडा पार ॥

९१.

अपने दिल की बातें कहना नहीं किसी को
दिल दिल नहीं मिलता समझाना बहुत कठिन

किसी का बरोसा ना ही
किस का बरोसा कर दूं ॥

दिन रात गुजर रहा है
यह सहना कठिन है ॥

दुख से बरी है दुनिया
सुख का निशाना नहीं है ॥

सुख दुख में सम रहना
सहना गम कठिन है ॥

यह सब प्रभु की लीला
आसचर की बात नाही ॥

लेकिन बरोसा करना
मुशकिल बहुत कठिन है ॥

भवसागर है ऐसा
बहुत रंग बदल रहा है ॥

गहरा है पार करना
तरना बहुत कठिन है ॥

दुनिया ना ही किसी का होवे
भी ना ही हर गिज़ ॥

अफसोस खा रहे हैं सब
बरदाशत बहुत कठिन है ॥

जो होता है जिस दम
उसकी कदर नाही ॥

होता है मर कर मरतबा
कहना भी कठिन है ॥

कितने आये हैं यहा
वापस जा रहे हैं ॥

दम का बरोसा नाही
खाना गम कठिन है ॥

अपना हो पराया
यह भ्रम की है फांसी ॥

अरे कमला तु समझो
कहना भी कठिन है ॥

९२.

डाल्य सूज कम्प्यतामं
 डाल्य वाच कसतैय
 कउरनस मसतय रूदमं न होश
 कम कम वील जार वन्य म्य तसतय
 कउरनस मसतय रूदुम न होश ॥

तस याद सोरुय मशय गव म्ये
 सय कथ याद प्यथ वाजिन् म्य बसतय
 कउरनस मसतय रूदुम न होश ॥

यी गव म्य पानस ती वन् ब कसतय
 सतुक समन्दर मनदुन क्रूठ
 न छु कुनि सुम तय नय तार तसतय
 कउरनस मसतय रूदुम न होश ॥

दया सागर दया छि कसतय
 युस सोरिह यती दय सुन्द नाव
 सुय नयभय आसान छु मसतय
 कउरनस मसतय रूदुम न होश ॥

वन् अन्द्रिम हाल सु वन् कसतय
 यस आसि कुनुय नारायण
 सुय छुय बेगम फेरान मसतय
 कउरनस मसतय रूदुम न होश ॥

वन् क्या कउरि कउरि चेर गव तसतय
 हेरह फेरह कर्मक वोथ अन्धेर
 जेरह त् जबरह फेरउ मां तसतय
 कउरनस मसतय रूदुम न होश ॥

यिहय कथ प्यठ सरि आमस तय
 गरि खोत् गरि गव तेज्ज रफतार
 वर छुम ग्वर सुन्द गुफतारसतय
 कउरनस मसतय रूदुम न होश ॥

वन् कस खबर केह छन् तस तय
 बे खबरी मन्ज वोथ अन्दकार
 बार बार वन् क्या बे आरसतय
 कउरनस मसतय मसतय रूदुम न होश ॥

दम् दम् कमलायि दम कोरनसतय
 दमस मन्जी सूहम सू
 ओम शिव शम्भू याद प्यवतसतय
 कउरनस मसतय रूदम न होश ॥

९३.

ब लागय पूजि मादल हीय
 च्य कास सख्ती दयालय बोज़
 अपुज मा वन् ब काउन्सि हन्ज द्रिय
 च कास सख्ती दयालय बोज़ ॥

वोदुम कोताह द्वादुम येलि पान
 वुछी कुस क्या छि कर्मउन्य हान
 बरान द्वादह द्वादह यिवान भक्ति
 च कास सख्ती दयालय बोज़ ॥

जवाउनी सूर बुजर आमुत
 मुसाफिर पान पथर प्योमुत
 ब क्या हाव् कान्सि वन्य योख्ती
 च कास सख्ती दयालय बोज़ ॥

म्य छम चाउनी मनस मन्ज आश
 च हावतम नोन सिरयि प्रकाश
 म्य मा बेयि कान्सि हन्जय आश
 च कास सख्ती दयालय बोज़ ॥

म्य छम पछ सु कउरयमसाये
 छु बख्शान हार जायि जाये
 सु करि पानय यि पजि ति
 च कास सख्ती दयालय बोज़ ॥

कोकर्मुक छुय यिहोय बहानय
 करुन तस ओस पाउन्य पानय
 कोकर्मन छुय गछान यि
 च कास सख्ती दयालय बोज ॥

बउरिथ कमलयि अश्य टाउरी
 करान जारी छि आउरी हथ
 पजी पाउठय छय मगांन मुक्ती
 च कास सख्ती दयालय बोज ॥

९४.

सतग्वर नेह नस् आयम रातस
 गूव्यन्द दातस वन
 कन दाउरिथ रोज़ सातस सातस
 गूव्यन्द दातस वन ॥

नन्दर गजिम नेह नस आयम
 श्रह नस हटि वोथुम
 ब कोता चम् शामस प्रभातस
 गूव्यन्द दातस वन ॥

ग्वरनउय गछ शरन सतगुरू दातस
 बरन्यन मुचरन ताउरय
 शक्ती छयं फेरान शामस प्रभातस
 गूव्यन्द दातस वन ॥

शब्दस सवार नेर या यति मो लाग चेर
 रचि रचि गछियो गेर
 यारबल् नाव दर् लउज्य प्रभातस
 गूव्यन्द दातस वन ॥

ओम येलि मेलि रुम रुम तेली
 गैली मेली सोरूय आलम
 हयसउ रोज़ पानो व्यसर इस बातस
 गूव्यन्द दातस वन ॥

चानि बापत म्य कूत तावुनं चोलुम
 'यावुन यो ताम बर् गोम
 श्रावनन्य ग्रख म्य लउज्य जातकिस ज्ञातस
 गूव्यन्द दातस वन ॥

वरज् वाव लरज अनिगटि राउवस
 लरजाउवनस कालन
 काल् ज्ञाल् चउट म्य वन्य दात् दयालन
 गूव्यन्द दातस वन

माया काल कायायि मंज चामुत
 वलन आमुत छुस दास
 रचि रचि जाल चठ दोहस त रातस
 गूव्यन्द दातस वन

द्वोह द्वोह गन्जरिथ द्वोह गोम लूसिथ
 शामस क्या कर बो
 छन् छस गाउमच निशि पारिज्ञातस
 गूव्यन्द दातस वन

कन दाउरिथ छस सन् कोता बो
 वन् नस वार ना छुम
 नत् दिम म्य वरदान अभिज्यथ सातस
 गूव्यन्द दातस वन

रुम रुम दित्यमय आलव आलव
 प्यठ बन्नालव बोज्ञ
 कमलायि अरजी कउर प्रभातस
 गूव्यन्द दातस वन

९५.

नाद हा लायय ही दयालो नाद बोझ
सारिनय हन्दि ही कृपाल नाद बोझ ॥

वाद कोरमुत आदनुक छुम याद बोझ
ज्याद क्या वन् सेदि सादो नाद बोझ
वउन्य दी दी वउन्य दिति चायस वनन
प्यठ विगने कोह बालव नाद बोझ ॥

द्वोहस रातस प्रभातस वउन्य दिमय
गटि म्य गाश हाव शाम लालो नाद बोझ
मूल ज़ारन पोशि कुल्यनय पय ह्योतुम
फोल्वन्य गुल आफताबो नाद बोझ ॥

च्योन दूरग्रर छुम प्योमुत कूठ स्यठा
ज्यूठ मंज़िल छुम कूत चालो नाद बोझ
ओम शब्दय पमपोश फोल्नाव
कम क्या गछि हर कमालो नाद बोझ ॥

तार् गन्जिनम तारनय मंज तार दिम
याद अगर छुय रट् नालो नाद बोझ
साधु मत् किन्य नाद कमलायि चे दितुय
मार् कउरयथसं वाद् पालो नाद बोझ ॥

९६.

नाहकय योर प्योम युन त गछनये
 सुय माल्युनये म्योन
 हय्स होश वस्य प्योम रुदुम न वोनये
 सुय माल्युनये म्योन ॥

माजि येलि ज्ञायस ज्यनमस आयस
 द्रायस चे पत् बो
 ह्यर बोन वउन्य म्य द्रुत ह्योतुम छारुनये
 सुय माल्युनये म्योन ॥

बबन त् माजि किथ पाठय रछनाउवनस
 हेछनाउवनस व्यवहार
 फलि फिल नाबद गलि द्वोद चाउवनस
 सुयमाल्यनये म्योन ॥

जातकस म्याउनिस ह्योतुख वुछुनये
 अथि ना तिमन केन्ह आव
 फालनाम वुछ वुछ ह्योतुख गाबरुनये
 सुय माल्युन म्योन ॥

चार केन्ह ज़ोनुम न तारगछि लगनुये
 भवसर गिरदाबस
 यार् बलसय गछि म्य तार लगनुये
 सुय माल्युन म्योन ॥

कोहंन त बालन ह्योतुम फेरनुये
 नोन कुनि नेरिना सू
 वार कउन्डय चायम बर् नेरवुनये
 सुय मालयुन म्योन ॥

सोरुय आउसिथ सोरुय रोवुम
 सोरुय सपदुम गुम
 सोरुय लबिथ गछि न ज्ञान्ह रावरुनये
 सुय माल्युनये म्योन ॥

बंद कर कर्म मोह मद गछि त्रावुनये
 मानसर करनुय श्रान
 हमसन सात्य पान वुफनावुनये
 सुय मालयुन म्योन ॥

राज हमसन गछि मोख्त छकुनये
 कोकरन दुन्य दुन छुय फल
 नत् क्या सुद नेरि मूदिस ज्योनये
 सुय मालयुन म्योन ॥

दयस गछि पान पुशरावुनये
 अनुग्रहुक छुस फल
 अनुगृह कमलायि गछि बखशुनये
 सुय माल्युनये म्योन ॥

९७.

शिव शक्तिदात ! छुख बोड कृपालय
 लालव आलव दितोमो
 ओम सू सू पर सूहम बालव
 लालव आलव दितोमो ॥

सूहम शब्दस थफ छुख कउरिथय
 बउरयथय छिय मस खाउसी
 दय छुय दिववुन च्यति प्यालव
 लालव आलव दितोमो ॥

दम कर नोशी च होशी कर पानस
 दानस दानस वाती सुय
 रूद ज़न शान्ती शबनम वालव
 लालव आलव दितोमो ॥

ज़ाहरस अमृत म्यति बनावतम
 मति छवरावतम मुह गाटस
 गाटलिस गाट् प्योम कोता चालव
 लालव आलव दितोमो ॥

सूर गोम पानस ओम सू स्वरनय
 करनय रुसतय येति बनि क्या
 यस बनि सय वनि ताँ हालव
 लालव आलव दितोमो ॥

भवसर सउदरस तार छुन् नोनये
 सनि खोत सोनये तमिकुय अन्त
 केन्चव ग्रह वुछ केन्ह वुछन खयालव
 लालव आलव दितोमो ॥

म्यति वुछ ग्रहदयन त फालन कुनुय
 नोनय नेरि सु त चललि अंधकार
 प्रथवी बार खोत पानय वाललव
 लालव आलव दितोमो ॥

श्री कृष्णान पान वोव मोख्त ब्योलुय
 सारिनय हुन्द माज्य मोलय सुय
 रिबदव ज़िन्दयकरि मोख्तस मालव
 लालव आलव दितोमो ॥

रचि रचि प्यथ च्य दय रट नालव
 प्यठ पन्चालव आलव गव
 साउत्य साउत्य कमलायि रुद दयालव
 लालव आलव दितोमो ॥

९८.

दप्याम दयस दिम् लोल नादय
 दख्व बोझि सुय फरयादय म्योन
 अपाउरय यपाउरय चोपाउरय व्यादय
 कपाउरय बोझि फरयादय म्योन ॥

द्वोह गोम वन् कस लोल फरयादय
 येति कुस बोझि लोल् फरयादय म्योन
 चलि येलि द्वोरगत त्यलि गलि व्यादय
 अद् बोझि लोल् फरयादय म्योन ॥

वुछुम वतन बेयि आकाशन
 गाशन गाशीय प्रज्ञनावान
 सिरयि चन्द्रम बेयि तारागन
 पानय पानस प्रजनावन ॥

आउसस कुनीय तय द्रायम लंजे
 अकीय चंजे वाउचस दूर
 ग्यूर आम फेरान लंजि पत् लंजे ॥

वन् हा ब हाल पनुन वन् कस
 न ब काउन्सि हउन्ज न म्य कान्ह
 यति कुस कस यियि बकार मरिथ
 जिन्दय थविजे स्वरिथ पान ॥

ब कस जायस म्य कुस ज़ामुत
भ्रम किन्य बासान छु क्याताम
अउछ मुचराउविथ वार् पाउठय वुछतो
सिरयि लूसिथ सपदान शाम ॥

लोकचारस गोम भ्रम पउरय पउरी
सू स्वरय स्वरय राउवम वाउन्स
हू हा कउरय कउरय अन्द्रीय क्रम गोम
दम गोम पानस वन कस हाल ॥

वनहा कथ पनन्य व्यपि मा काउन्सि
वाउन्सि सर् कोर यितुय म्य
पनन्य कथ रूज़उम पानस अन्दरी
सोन्द्री वनतम वन् कस हाल ॥

कस सुन्द गोस छुय गोमुत पानस
कुस छुय चोन तय छुख कम्यसुंद
यउस यि हुतमुत सु हा दियि तिये
कथ प्यठ गोय च्य भ्रम ॥

९९.

दपान छस पेयि ना रहम तस संगदिलस
 सफेदस कोरनम रंगीन पन
 सुय पन आमुत छुम वलन् पानस
 ला मकानस गछुन छा सहल ॥

गरि बो द्रायस कमिताम हितय
 वति प्यठ लाउयनम कम्यताम थफ
 दोपनम गछख वन्य कोत च
 साउत्य मा यिमय तेलि छुस बुय ॥

अन्द्रिम कथ छय पानस अन्द्रीय
 न्यबर वन्नस ज़ोनुम न वार
 बोज़खय पोज़ सुय ध्यान स्वरनुय
 मन् किन्य परनुय सूहम सू ॥

स्योदुय द्रायस मंजमि वते
 नय तति हयोर कान्ह नय कान्ह बोन
 यिम आउस्य यति तय तिम वुछ म्य तते
 नाहकय वते फोलिम पाद ॥

निशान वुछहा तस बेनिशानस
 बे निशानस क्या छु निशान
 नत् मा वन् बो पननिस पानस
 श्री भगवानस साउत्य थव ज्ञान ॥

दिह भावसय मंज यस शक त भ्रम चले
 गले तउमसय वासनायि मूल
 तम्यसय मनुक शक त भ्रम चले
 सुय ज्ञन फोले लेम्बि मंज पमपोश ॥

आरसय मंज युस आर्वल जन फोले
 वुछ वार् पानस अउन्द अउन्द कउन्द
 कण्डयन ति येलि अमृत जल पेय
 अद् यी कण्डयन ति पोश् नरमी ॥

१००.

कोतसना गोम सुव्यसिये
 तम्बलाउविथ हय चोलुम
 सम्बलाउविथ बेयि यियिना
 तम्बलाउविथ हय चोलुम ॥

त्वकचारस बाल् पानस
 श्रोन्त्य श्रोन्त्य म्य गोम
 मंज आरस चोल म्य त्राउविथ
 तम्बलाउविथ हय चोलुम ॥

नवजवाउनी मंज ब चायस
 अउछनय द्वोन परद् प्योम
 अहन्कार हुन्द फुटराउविथ
 शरमाउविथ हय चोलुम ॥

तमिकुय पादाश कोता
 यादाश सोरुय मोठुम
 काम क्रूदस नाश करतम
 गाश हाउविथ हय चोलुम ॥

वन् कोता छस ब थारान
 पत् लारान मा म्य छिम
 हेय हेय अथन क्यथ मउय
 वुछ नाउविथ हय चोलुम ॥

यि छु दुन्या भ्रम बाउज्यगार
तावनुन छुय बाजार
यावनस मन्ज मउशराउविथ
खोचनाउविथ हय चोलुम ॥

शन दीशन मंजबाग सुय
शन आलमन मन्ज छु सुय
शनवय कमलायि हाउविथ
व्यसराउविथ हय चोलुम ॥

१०१.

द्वोख त द्वोद तेलि बलि
 येलि सूहम रलि
 शिव ज्ञान थलि थलि
 येलि सूहम रलि ॥

ओमसय लय कर
 मनसय पय कर
 रव्य गछि मुह कोलि
 येलि सूहम रलि ॥

मनसय गाश आव
 गटि मन्ज गाश द्राव
 गट् चउज्य त गाश फोलि
 येलि सूहम रलि ॥

आरस अउचिथय
 नरि क्या नउचिथय
 रंग रोट मसवलि
 येलि सूहम रलि ॥

आर् मन्ज नेरसह
 आरस फेरसह
 आर्वल वार् फोलि
 येलि सूहम रलि ॥

बेलमुशक पोशन
 रोज़ अन्द गोशन
 छाव हीय मसवलि
 येलि सूहम रललि ॥

बउठय बउठय फीरस
 प्यठ नागरादन
 मानसरह पान छलि
 येलि सूहम रलि ॥

नवद्वार त्रोपराव
 नवद्वार प्रज़नाव
 यिनस् फटि होछि कोलि
 येलि सूहम रलि ॥

बन्द म् कर दरवाज़
 कर न्यबर परवाज़
 गंग ज़मना रलि
 येलि सूहम रलि ॥

हफत् खान नीरिथ
 सफत् रेश्य साउत्य छिय
 अन्न कर फलि फलि
 येलि सूहम रलि ॥

येति क्या जेनुन
 क्रन्जलि पोन्थ मेनुन
 येति गछि छलि छलि
 येलि सूहम रलि ॥

संसार त्रावुन

पान रथि खारुन

यिन् स कमला डलि

येलि सूहमं रलि ॥

१०२.

चरन् कमलन दोन ब लगये
 शिव शक्ति रूप म्य हाव
 पादि कमलन दोन ब लगयय
 शिव शक्ति रूप म्य हाव ॥

याम बूजूम पय म्य चोनुय
 ताम सपजस आचरस
 आसचरूक आचर् ब लगयय
 शिव शक्ति रूप म्य हाव ॥

हयोरकुन ब वुछान च्य
 तोरकुन म्य मोख हाव
 सरसय मंज च ब लगयय
 शिव शक्ति रूप म्य हाव ॥

गायत्री मंज सारनीय छख
 सावित्री छख शान्त रवथाव स्वभाव
 शाम रंग छख शाम सोन्द्री
 शिव शक्ति रूप म्य हाव ॥

सत् रंग छिय जाम नाली
 सत सद्यय स्थान चोन
 अष्ट सय्ज छय सयीत ब लगय
 शिव शक्ति रूप म्य हाव ॥

शूबवन्य छख मोज म्यानी
 शूबवुन मोख हावतम
 शूभिदार मोखसय ब लगयय
 शिव शक्ति रूप म्य हाव ॥

सादनय हुन्द साद च्य छख
 कमलायि प्रसाद ख्याव
 थरि पोश गछि दरह ब लगयय
 शिव शक्ति रूप म्य हाव ॥

१०३.

वदना मदनो रूदुम न वोनये
कोरसना कुनये गोम ॥

कनव बूज अछव ह्योत वुछुनये
ज्येवि ह्योत वनुनये
न छु तस वुछुन न छु तस वोनये
कोरसना कुनये गोम ॥

कोहन त बाललन हयेतुम खसुनये
वति वुछी म्य फुलया जान
न छि तति बोछि न छु तति ख्योनये
कोरसना कुनये गोम ॥

रउगि रउगि ह्योतनम साज वजुनये
रोन्नि छोन्य छोन्य बूजुम
मोन्नि फोल्लय मंज हमसन लल्वुनये
कोरसना कुनये गोम ॥

साज सेतारं ह्येतुन वजुनये
सातस छुन ना छन
सुय दुरदान गछि खोनि ललवुनये
कोरसना कुनये गोम ॥

सारंग सेतार बाज् वजुनये
मुरली नादस कन
मुरली स्वर गछि कन् बोजुनये
कोरसना कुनये गोम ॥

बीन स्वरनय स्वर ह्योतुन वज्जुनये
 हनि हनि लजमो थर
 बन्वर आवलुन ह्योतुन फेरुनये
 कोरसना कुनये गोम ॥

सिर्ययी ओदयस युनये ह्योतुन
 गाह प्यव कोह सारन
 नूर पनने नूर ह्योतुन व्यसरुनये
 कोरसना कुनये गोम ॥

कमलायि पानस वोनये
 सारसीय कोरनय कुन
 कुनसीय ह्योतुन प्रजलुनये
 कोरसना कुनये गोम ॥

१०४.

अपजुय समसार करनस बंदउय

य छु कालउ फंउनदय बेयउ न केन्ह

अज ताम वौनुम मयौनुय मयौनुय

चोनुय सोरुय मयोन न केन्ह

अपजुय समसार करनस बंदउय

य छु कालउ फंउनदय बेयउ न केन्ह ॥

कोता काल वोत घरउ घरउ करान

यति पयव पउरय घरउ न केन्हा

जुव आव सोरान फीउर फीउर घरय

यति पयव पउरय घरउ ना केन्हा

अपजुय समसार करनस बंदउय

य छु कालउ फंउनदय बेयउ न केन्ह ॥

वउसे छउनडिम शुरय तय बउचय

तिम ना जउचय हिविस हिव

नाहकय रउविम दोह तय रउचय

वुनि छय सुल सौर नारायन

अपजुय समसार करनस बंदउय

य छु कालउ फंउनदय बेयउ न केन्ह ॥

रात दोह रावन शुरयन बाचन पथ

दोहस लूकउ हउज गउबत करान

लोबथ क्या तय लउबुन क्या छुय

त्रराव बेयन हउज नफरत त दुय

अपजुय समसार करनस बंदउय

य छु कालउ फंउनदय बेयउ न केन्ह ॥

यति हा गछान कउत कउत अकउतुय

कउतनउ खोतउ वुछमय अकउतुय जान

करन वउल वुछमय गअमउत हालि हउरान

न करन वउल छउय सारी खोतउ जान

अपजुय समसार करनस बंदउय

य छु कालउ फंउनदय बेयउ न केन्ह ॥

१०५.

कथ हालस मंज गयम वंउस
 कंउसि हुंउद समसार छा
 यी मय वुछमय ती मय वोनमय
 ती मय बुजय सारवुय
 नावउ रौस पौगाम सोजया
 कंउसी हुद समसार छा ॥

क्या छु समसार भ्रम त बउजगार
 हार खयथ होरूम सयठा
 तार दिम बौसर कठुन छुम
 वारउ वुछनस प्रारउ क्या
 कथ हालस मउज गयम वंउस
 कंउसी हुद समसार छा ॥

बउजगउरी हुद छु समसार
 बउज वुछ वुछ बउद गयस
 राज पनुन थव मनसय मंउज
 कंउसी वननस वार छा
 कथ हालस मंउज गयम वंउस
 कंउसी हुद समसार छा ॥

दिल मय द्वौदुमुत हंनि हीने
 वनउ कस पार पार गौम
 तार दियउना तारउवुन सुय
 तार दियना तारउ सुय

तारउ तारउय वुन दिवान छस
क्या सु कृष्ण अवतार छा ॥

अज ताम कोता मय सरउ गौम
पयौम मुसीबत वनउ कस
हाल क्या वनउ हाली बे हाल
नालउ रटनस वार छा
कथ हालस मंउज गयम वंउस
कंउसी वननस वार छा ॥

बे आरउस वनहा बौ
क्या सना याद पेयि तस
बेकरउरी छम मय गउमचि
चानी बापथ वनउ कस
यी मय गौमुत ती बुउ वनहा
कमलाय वननस वार छा
कथ हालस मंउज गयम वंउस
कंउसी हुद समसार छा ॥

१०६.

दारनाये ध्यान धारान

छस बुउ प्रारान कर यीये

अशकने खून हारान

छस बुउ प्रारान कर यिये ॥

दोह दोह कम छउय गुजारुन

कोह छउ सोरान ती वुछथि

दोह दोह गव यी वचारान

छस बुउ प्रारान कर यिये ॥

कस बुउ वनहा क्या बुउ छारान

कस मय प्रारान गय वउनस

कहउ छुनउ मयौन तस बुउ वनहा

छस बुउ प्रारान कर यिये ॥

मुख् मनउ कियउन गराय लजउस

क्राय मउज गाड जउन तजिउस

तारि गउमित तस छउ प्रारान

छस बुउ प्रारान कर यिये ॥

अउज बुउ वनहा हाल पउनुन तस

अउज ताम मा वऔन मय जाउह

न बुउ कंसि हंउज तस बुउ प्रारान

छस बुउ प्रारान कर यिये ॥

वनहा पनुन हाल वनउ कस

पउज पउठय छस बुउ बेकस

यमउ समसारउ मजउ वनउ कस

कमलायउ वौन कर यिये ॥





